

宋元詩會卷之四十三

皖桐陳

焯默公輯選

後學程

任松泉參較

羅願

字端良歙州人父任吏部願以世科起家孝宗時官鄂州太守宋史于劉清之傳附載其名明宗濂序其鄂州集推古文為南宋第一人云朱文公甚服膺焉

梁寺丞見示過嶺新作

凌晨登鬱孤南走韶陽道封疆有申畫山川本懷抱公行度寒  
嶺殘雪故未掃高情無南北反謂茲山小頃來我嘗遊亦覺山  
媚好前賢困遠謫我輩得幽討兩崖瞻欲眩數樹攀且繞想公  
哦新詩千騎轉林杪叅佐候顏色約束軍聲悄韶陽古名郡四  
十專城早重萼已千歲蒼石在雲表魚龍舞幽壑遺韻益可攷  
以茲供撫玩或可薦壽考公餘亦時飲未用絕芳醪行行布恩



惠正直神所保

和汪伯虞求酒

君不見菊潭之水飲可僊酒旗五星空在天此江穀紋奇更絕  
投以麴米清如泉分甘正擬供低唱要築糟臺須大匠詩人便  
欲醉千日歡伯僅堪陪一餉曰予此樂未知之獨愛為瓶居井  
眉因君飲興亦浩蕩夢隨驂駕觴瑤池昔賢酒盡孤長吸大似  
竹枯還欲瀝明朝秀句傳滿城笑指空樽卧墻壁

望梅亭

楠安軍末至庾嶺有亭名望梅兄端翔權軍事時所作

節物重陽後風煙庾嶺頭休論梅子雨纔度菊花秋翠壁堪橫  
絕幽亭勸小畱謀生兄弟拙一一傍南州  
次韻酬通判劉兄岳陽樓見懷一首

魚龍掀舞後渺莽記空庭地帶三苗濶山傳二女靈客懷光水

月詩筆妙丹青少作揚雄悔唯思草一經

送邕州吳使君

題輿纔赴日邊程便擁油幢鎮列城地望素高唐五管人才今  
似漢三明時清市駿非無意歲宴逢花好寄韻太學英名湖海  
氣此行持論要平平

奉東李叔勤覓茉莉花栽

鄆令風流太史家早知茉莉有奇葩生嫌衆色空塵滓遍閱餘  
香見等差多謝珠璣來坐右好將根 到天涯蜀江紅紫紛披  
後初看東南第一花

薛季宣

字士龍永嘉人起居舍人散言之子也幼孤從伯父弼官遊及見渡江諸老聳請康後南遷大畧喜從老校退奉語  
汙韓岳兵間事甚悉年十七起從荆南帥辟書寫机宜文字獲事袁溉受伊川之學其子封建井田鄉遂司馬法之

制無不研究馬用樞密使王突薦于朝召為大理寺主簿  
時江湖大旱淮北民多歎塞者宰相白遣季宣往收之以  
實邊季宣為表廢田相原隰復合肥三十六圩立二十二  
莊于黃州凡置戶六百八十有五事竣入對語及時弊甚  
切孝宗稱善恨得季宣之晚而宰相虞允文忌之出  
知湖州改知常州未上卒年四十有浪語集行世

跋東坡詩案

南方有佳木遠在漲海涯沈水產其節難舌生其肌結根松柏  
場龍腦寔離離蜚獠豈知貴斧斤斬爨枝椽為糠粃槽將食犬  
與豨條枚惡鬢曲芟除棄江湄滄流蕩回波不與朽壤期年代  
知幾閱愈久乃見竒根株到餘漚復恐分寸遺終焉盛芬烈蘭  
蓀謝芳姿

二女篇

天聖中韓魏公居所生憂從其兄琚守齊安即安國寺西廡  
為書堂以居恒有二女子夜至衣冠高古容裝麗甚公恬不

以為怪及去二女告曰妾非人也亦非仙人鬼魅遊處再歲  
而言不及亂公德士也行矣即推此澤天下予讀齊安記屈  
原之死二女孝慈亦于此投江故武昌郡人以五月五日競  
渡投角黍迎神舟上二女非仙人鬼魅豈靈均二子之精爽  
耶不然何知人如此之審而後先居者莫之能見為作二女  
篇

姁娉二美人幽閒真種性色秀雪窗梅衣冠儷修正巖巖韓稚  
圭寂寞自清靜虛室掃齋居展禽當季孟神遊問寒暄不浥窺  
信行怪力視茫茫久要交善教語之非異類安民公有命蓋舂  
楚靈均汨羅存死證二女終孝慈雙玉澄江映當初黃鄂人盪  
漿追遊泳端午化成俗龍舸長犇競事神微有道角黍勞將迎  
非鬼且非仙世士憑誰傾



沙堤大蓋何穹窿底人佩玉鞍蒙狨僊如熊虎馬游馬誰何出  
 入咸陽宮笑刀瓠體顏芙蓉步趨持重為雍容諸侯爰統掌百  
 工調元為職裨九重萬錢一食穀鼓鐘猶言下筋終無從異時  
 糠噉腸不充家徒壁立其室蓬抄撮語麗文彫虫繪為繡句欺  
 南宮原無萬卷澆胷中脂韋媿嬰陳小忠竭民膏髓自為功榻  
 前觸事惟迎逢冒思責難始為恭君王謂賢拜三公門如沸湯  
 賄賂通財伴縣官邑侯封積金猶欲齊瀟室家有錢炉非範銅  
 賣官鬻獄揚成風後房的爨燕支紅皆民女婦來無蹤有憂失  
 得常忡忡殺賢賊能推英雄汲將同類塞要衝害苗之心饒蝗  
 蝻忽彎射羿逢蒙弓怡然自得豁心胸黷如抹漆何赤衷向人  
 自欺晚匪躬高自標置人盲聾立言便擬稱儒宗學禪逃俗坐  
 空談世間將無軻雄言出波流士與農却矜巧宦官既崇笑伊  
 魯儒嗟道窮那知達人節青松眎而土苴及蛆虫古今異時  
 理道同姦邪未必皆令終君不見晉朝失國墮金墉為奴為胥  
 豈惟懷愍墮紫濛

遊竹陵善權洞

萬古英台面雲泉響佩環練衣歸洞府澗水倒洞香雨落人間蝶  
 舞凝山魄花開想玉顏幾如禪觀適遊鮑戲澄灣寺故祝英台  
宅洞有白龍  
今人見鰻魚四  
足嘗出水面

都場正月思雪中石門之遊

謝客窮幽處仙宮隱薜蘿二峰峩魏闕雙瀑瀉天河狃獠應難  
 致猿猴却患多雪中山更好淹歲定如何狃獠讀如廣類面綠是  
狃獠讀黃字去殺類

狗面黃惟石  
門山中有之

棧花唐玉藥花介甫謂之場花魯直謂之山礬武昌山中多有之其葉可供染事土人用之釀酒

松綠吐瑤琨冷然郭外村仙人來玉藥文士立山礬芳澤留絲素風流付酒樽莫言場酷似香處不勝繁

讀三國志

左角蠻攻觸南柯檀伐槐俳諧記名字人物委塵埃錦里昔曾到樊川今此來遺風不可久觀古意悠哉

周將軍廟觀岳侯石像

侯祠初毀道士不忍壞侯像沈荆溪中因詩不損

萬死何知獄吏尊成名蓋代古難存

侯初下大理獄吏執筆請辭大書其絀尾而唾之曰

汝觀今世烏有大臣繫獄而生者趣具成案吾為汝書 二桃豈為功高賜一舸不容身退

論幾為飲江思道濟繆為圖像削王敦沈碑千古蛟川恨留與無窮斷客魂

趙師秀

字紫芝温州永嘉人宋乾淳中所稱永嘉四靈之一也四靈謂翁靈舒徐靈暉趙靈秀靈非徐趙本稱因與翁靈舒居同里詩同調故世皆以靈目之也四靈中惟師秀嘗登科入仕仕亦不顯葉水心評其詩守格布詞不失唐風而變化秀逸過之觀四靈詩如出一手紫芝尤為之冠云

桐柏觀

山深地忽平縹緲見殊庭瀑近春風溼松多曉日青石壇遺鶴羽粉壁剝龍形道士玉靈寶輕強滿百齡

舟行寄翁十

輕舟風色好波面去迢迢取爾詩重讀令吾病欲銷江禽停晚樹澗水入秋潮已覺懷人極分攜始一朝

縉雲縣宿

親知因別久具酒勞經過古邑居人少春寒入夜多雨香仙他



藥燭動石橋波稍覺離家遠鄉音一半訛

筠州郡庠山亭

一來高處望遠近盡秋容秀氣歸才子清風屬釣翁溪晴分別港山關見他峰獨憶良宵月無因宿此中

延禧觀

寂寞古仙宮松林常有風鶴毛蕪葉下井氣與雲同昔日苔磚紫多年粉壁紅相傳陶縣令曾在此山中

石門僧

石門幽絕甚獨有一禪僧寺廢餘鐘在房高過客堂山蜂成苦蜜崖溜結空冰如此冬寒月他人住豈能

秋色

幽人愛秋色祇為屬吟情一片葉初落數聯詩已清瘦便藤杖

細涼覺葛衣輕門外蕭蕭徑今年菊自生

簡同行翁靈舒

久晴灘磧衆舟楫後先行終日不相見與君如各程水禽多雪色野笛忽秋聲必有新成句溪流合讓清

靈山閣見二徐舊題

一面見溪水三邊皆翠微晚來虛檻外秋近白雲飛重至恰身老同吟感客非靈山自如畫依舊隔斜暉

秋屏作

凡有闌干處秋來偏往還就中惟此地全得見西山雁落遙沙小人登廢壘間因憐一州景皆在夕陽間

送沈莊可

清事貧人占斯言恐是虛與花方作譜為米又持書時節寒相

近山林拙未除西江波浪急送子一愁予

巖居僧

開扉在石層盡人少人登一鳥過寒木數花搖翠藤茗煎水下  
水香炷佛前燈吾亦逃名者何因似此僧

塚上

遠近人家住過橋路盡通野田行瘦馬淺渚聚羣鴻地靜微泉  
響天寒落日紅若非身作吏不道是城中

月夜懷徐照

月色一庭深迢迢千里心湘江連底見秋客與誰吟寒入吹城  
角光凝宿竹禽亦知同不寢難得夢相尋

送倪道士之廬山

近方辭地肺本自住天台有鶴相同出無雲作伴回道房隨處

借詩板逐時開又說廬山去閒看瀑布來

德安道中

餐餘行數步稍覺一身和蠶月人家閉春山瀑布多鶯啼聲出  
樹花落片隨波前路東林近慚因捧檄過

贈約老

一徑入深竹數楹臨古溝更無人共住極喜來遊白髮一長垂  
領新茶綠滿甌自言門外寺皆是老僧修

翠巖寺

石巖看不見翠色自重重春雨生松葉山風響鐵鐘碑頽工費  
墨草嫩鹿添茸佳院吳僧老相迎憶舊逢

薛氏瓜廬

不作封侯念悠然遠世紛惟慮種瓜事猶被讀書分野水多于



宋言會 卷之四十三 地春山半是雲吾生嫌已老學圃未如君

送徐道暉遊湘水

春盡雨霏霏春寒猶在人衣尋香草去雁背遠峯歸瀟水添湘  
潤唐碑入宋稀應知名與姓題寫遍岳扉

劉隱君山居

嫌在城中住全家入翠微開松通月過接竹引泉歸慮淡頭無  
白詩清貌不肥必無車馬至猶掩向巖扉

官舍初成

為宅傍城墻先求夏日涼鑿池容衆水栽竹斷斜陽官是三年  
滿身無一事忙不知何補報安坐恐難當

會景軒

此中非一景欲狀固難名江近秋陰早山多曉氣清斷雲分樹

借共房僧夕陽听上行枯葉瀑布巖前聽折水事到有緣隨處  
應回來金碧入雲層

暮春書懷寄翁十

帝里逢春雨不乾纔晴數日又春還桐花半落官河水榆葉全  
遮客舍山未悔濶疎令事去最憐之絕礙身閒菖蒲九節今堪  
采思爾逍遙澗谷間

移居謝友人

賃得民居亦自清病身於此寄飄零筍從壞砌磚中出山在鄰  
家樹上清有井極甘便試茗無花可挿任空瓶巷南巷北相知  
少感爾詩人遠扣扃

簡孫正字

空齋兀兀難消日况入中年睡亦疎洗釜煮蔬留客飯卷簾移

菊看人鉏秋衣因病全更衲曉髮迎寒半脫梳多謝貴交芸閣裏許令隨意借官書

贈鄧漢卿

單獨一身長不定亦無書卷得相隨忙過人世當間日老遇朝廷用少時衝雪自言行路苦看松長恨買山遲蕭蕭白髮寒燈下寫就詩篇欲寄誰

孤山寒食

二月芳菲在水邊旅人消困亦隨緣晴舒蝶翅初勻粉雨壓楊花未放綿有句自題間處碧無錢難買貴時船最鄰隱者高眠地日日春風是莞絃

寄茅山溫尊師

幾度題詩寄入山不知何處得書看葢苔石上秋吟苦星斗壇

洎饑鶴下田行別擬深更至虛空看月明

大慈道

青苔生滿路人迹至應稀小寺鳴鐘晚深林透日微野花春後發山鳴澗中飛或有相逢者多因採藥歸

扶欄

強起扶欄立新寒陡見侵鐘聲諸寺曉柳蔭半池陰病久方憑艾貧深或夢金湖邊好風日孤負幾登臨

葛翁小閣

樹色對疎檣橫陳一片清微風楊葉下斜日竹梢明此老無塵事雙妹亦道情客來憐素壁題句不題名

訪韓中止不過題澗上

隔澗竹扉深蒼童引客尋雖然乖晤語猶得見園林野蔓時妨



菊看人鉏秋衣因病全更初曉髮迎寒半脫梳多謝貴交芸閣裏許令隨意借官書

贈鄧漢卿

單獨一身長不定亦無書卷得相隨忙過人世當間日老遇朝廷用少時衝說自言行路苦看松長恨買山遲蕭蕭白髮寒燈下寫就詩篇欲寄誰

孤山寒食

二月芳菲在水邊旅人消困亦隨緣晴舒蝶翅初勻粉雨壓楊花未放綿有句自題閒處壁無錢難買貴時船最憐隱者高眠地日日春風是筦絃

寄茅山溫尊師

幾度題詩寄入山不知何處得書看莓苔石上秋吟苦星斗壇中夜拜寒鶴改新名呼未至碑逢斷刻打應難憶師每欲尋師去芝朮栽成自可餐

會宿再送子野

又承出郭到貧家一度分攜鬢易華自說印書春可寄獨慚缺酒夜難賒眠遲古鼎銷殘火吟苦寒缸落細花羸病不能親送別夢魂先立渡頭沙

病起

身如瘦鶴已伶俜一卧兼旬更有零朝客偶知親送藥野僧相保家持經力微尚覺衣裳重才退難邀筆硯靈惟有愛花心未已遍分黃菊插空瓶

翁卷

字靈舒永嘉四靈中卷齒居長故趙徐以靈舒而並稱靈亦好事者品目之也詩為葦碧軒集

宋六言集 卷之四十一  
送陳郎中知嚴州

頻乍經虎害人望使君來地重分旄節州清管釣台涼天星象  
動吉日印符開帝擢平津策曾知有用才

寄趙靈秀

千山落葉深高樹不藏禽遊子在何處故人勞此心間燈妨遠  
夢寒雨亂愁吟僧爽曾相約花時共一尋

送人赴沅州任

舊貢色茅地中存古意長去程逢嶽雪上事帶春陽露結硃砂  
氣波流白芷香大夫祠寂寞煩與奠椒漿

悼雪菴禪師

悟了無生妙歸空若故鄉竹房三尺像石榻一炉香壞衲猶懸  
樹新松忽過牆僧中留不得幾日為淒涼

寄沈洞主

想當清夜醮帶月叩仙鐘指上雷霆訣菴前虎豹蹤藥收陽地  
草薪採故枝松擬即尋師去茅峯疊幾重

太平山讀書奉寄城中諸友

寥寥鐘磬音永日在空林多見僧家事深便靜者心虛庭雲片  
泊側徑石根侵此去城闈遠君應懶出尋

冬日過道上人舊房

已知超衆相假質任成灰房是他僧住門無舊客來冰乾半池  
水花落一根梅猶自疑行脚何年見却回

春日和刘明遠

不奈滴簷敲風向昨夜晴一堦春草碧幾片落花輕知分貧堪  
樂無營夢亦清看君話幽隱如我願逃名



送薛子舒赴華亭船官

君到雲間日應分二陸名縣圖山色少井味海潮并刻局三年  
印春風半月程野人因買鶴曾向此中行

曉對

獨來曉來晴天寒景物清梅花分地落井氣隔簾生曾是吟招  
隱何時遂耦耕蕭疎頭上髮已白二三莖

暮春病歸

朝朝風景添吾病亦開簾洗藥花前曬傳方壁上黏力微還省  
語身老更看髯昨日林僧至茶杯始一拈

寄永州徐三椽曹

聳聞居官處干峯近九疑合流皆楚水高石半唐碑香草寒猶  
綠清猿夜更悲其中多隱者君去得逢誰

書隱者所居

百事已無機空林不掩扉蜂沾朝露出鶴帶晚雲歸石老苔為  
貌松寒薜作衣山翁與漁父相遇轉依依

能仁寺

芙蓉峰入天寺與此峯連得見是冬月要來從昔年寒潭盛塔  
影古木帶厨烟偶值高僧出禪牀坐默默

石門菴

山到極深處石門為地名嵐蒸空寺壞雪壓小菴清果落羣  
猿拾林昏獨虎行一僧何所得高坐若無情

寶冠寺

山多猿鳥羣永日絕鷲氛一澗水流幾房僧共聳拄筇黏落  
葉拂石動寒雲誰昔來營此尋碑看記文

秋日間居呈趙端行

間居觀物化幾葉又飛東清氣全歸月寒聲半是風病多憐骨瘦吟苦笑身窮折得鄰家菊還思靖節翁

初晴道中

初晴殘溼在衆樹碧光鮮幽鷺窺泉立間童跨犢眠依山知有寺過水恨無船石路是誰作姓名巖上鐫

題武義趙提幹林亭

武陵諸勝狀如列在簷前一郭樓台日數村桑柘烟鳥啼春滿谷秧綠水平田中有漁樵影吾詩詠不全

贈孫季聿

立談飛絮中相遇在吳宮以我為生拙憐君失計同醉酣花落月吟苦竹搖風自作廬山記幽竒欲遍窮

按孫惟信字季聿開封人自號花翁

工詩詞有官棄去

贈劉高士

靈境康廬上師曾此處家今遊在京國誰為管烟霞覓句行逢鶴持經坐對花笑予非酒戶相勸滿甌茶

送人遊天台

暫遊行李少幾日到天台船帶落潮發月從前浦來花源香不斷藥地綠成堆莫學他劉阮經年忘却回

宿寺

一宿此禪宮身同落髮翁深窗難得月老屋易生風燈冷紗光淡香殘印篆空獨憐吟思苦妨却夢西東

鮑使君間居

吟樓影在湖波上吟景長從望處生疊石擬成幽嶂色種松移



得遠灘聲多諳藥品曾因病却着荷衣欲避石聳說近來心更  
靜案頭惟有一棊橫

山中

山中凡事幸相宜第一紅塵免上衣尋藥每同丹客去拾薪多  
趣牧兒歸鳴泉漱石寒蒲潔宿霧蒸泥早蕨肥不奈隣峰學禪  
伴時時來此叩巖扉

次韻葛天民

接得詩來勝接書意君情思豁然舒却看城裏誰家竹又鎖湖  
邊舊住廬曾有退之憐賈島豈無浚意薦相如欲知別後予蹤  
跡只向此間閒釣魚

贈陳管轄

一拂清風一袖雲紫雲容貌鶴精神詩因道進言辭別丹浚師  
傳火候真廬嶽峰前吟瀑布混儀圖上禮星辰我來暫作間人  
歌多謝仙翁相訪頻

次徐靈淵韻贈趙靈秀

一軸黃庭看不厭詩囊茶器每隨身三年在任同仙隱一日還  
家只舊貧種浚溪蒲生似髮教成野鶴舞如人出門便是登山  
路更要遙山翠色勻

徐照

字道暉永嘉人自號山民四靈之詩皆尚五言近辭而道  
暉幽眇峭刻思致尤奇卒嘉定四年詩號芳蘭軒集

戰士屍上蟲蟲老生羽翼目怒體甲硬豈非怨氣激櫛櫛北方  
來橫遮遍天黑戍婦聳我言色變氣咽逆良人進戰死屍骸委  
來橫遮遍天黑戍婦聳我言色變氣咽逆良人進戰死屍骸委  
砂礫昨夜夢魂歸白騎曉無迹因知天中蝗乃是屍上物仰面

宋詩集 卷之四十三 十四 鈔本  
久迎視低頭淚雙滴呼童勿殺害解繫從所適蝗乎若有知飛入妾心臆

青鳩詞

勞勞復勞勞生人半行客今人行古道古道有行役相逢莫等閒相離易踈隔殷勤紅杏花徹宵對芳席明年花開人東西青鳩食花舊處啼

宿翁靈舒幽居期趙紫芝不至

江城過一宿秋氣入宵濃蛩響移砧石螢光出瓦松月遲將近曉角盡即昏鐘人起行庭際思君恨幾重

贈江心寺欽上人

客至啓幽戶筍鞋行曲廊潮侵坐禪石雨潤讀經香古硯傳人遠新篁過塔長城中如火熱此地獨清涼

送塵老入廣化米開田

行李衝冰雪塗程半是船去從人乞米歸要海成田遇景因開画思茶亦掬泉

宿寺

古殿青燈冷虛廊葉掃風掩闌人迹外淨句佛香中鶴睡應無夢僧談必悟空坐驚窗欲曉片月在林東

題江心寺

兩寺今為一僧多外國人流來天際水截斷世間塵鴉宿腥林徑龍歸損塔輪却疑成片石坐對謝公身

題羅隱故居

片水靜無塵青山是四鄰上天如有意此地着詩人吟得物俱盡罰令生世貧因來尋古跡只見石為麟



宋元詩會卷之四十四

皖桐陳

焯默公輯選

後學程

仕松泉叅較

劉燾

字晦伯建陽人乾道八年進士調山陽主簿通判潭州未  
 上丁艱時偽學禁起燾從朱熹講學武夷築雲莊山房為  
 終老之計調贛州坑冶司管文宇歷知慶府提舉廣東  
 常平遷尚左郎官國子司業乞罷偽學之詔請以朱熹白  
 鹿洞規頌示太學兼編修檢討官進國子祭酒權工部尚  
 書仍兼諭德每講讀至經史所陳聲色嗜欲之戒懇切再  
 三進讀詩之說覽者為吐舌  
 云卒贈光祿大夫諡文簡

送王子文宰昭武

二首

百鍊成繞指粹白俄成緇有初諒非難其難在終之道心眇絲  
 粟易為群物移不有專一功誰能勝安危願言保令德歲晏以  
 為期

平時州縣間上下意苦異善書肘後掣有志奚由遂子今得所

從展布有餘地兩賢更戮力萬物應吐氣期期召杜功奕奕昭來世

上陳縣尹

舊尹龔熊負令名至今天日共清明案頭未有人稱屈村裏全無吏敢行蒲院茶香敲句穩一簾花影韻琴清後來踵武誰其似又說陳公政有聲

金國賀正旦使人到闕錫宴紫宸殿

榆關玉塞靜無塵嘉定于定第四春兩國交馳通之使八方同作太平人翠鼉鼓奏娛嘉客白獸樽浮賞諫臣聖歷從茲天共遠年年玉帛會楓宸

瑞慶聖節應制

皇家卜世過周唐天啓真人應運翔抱日預占恭邸夢飛龍曾

報皖山祥翠雲影外來金母紅霧香中擁玉皇樂府賦工無以

祝願將金鑑代珠囊

葉適

字正則永嘉人為文藻思英發擢淳熙五年進士第二授平江節度推官少保史浩薦于朝召之不至改浙西提刑幹辦用執政龔茂良薦召為太學正遷博士因輪對數奏剴切上條然久之除常博兼實錄檢討會朱熹除兵部郎官未就職為侍郎栗官所糾適上疏力爭不報光宗即位出知蘄州入為尚書郎官是時帝以疾不朝重葺宮適力言父子天性浮疑私畏何得阻定省之歡帝因兩詣重葺都人大悅孝宗崩光宗不能執喪其內禪寧宗適與趙汝愚實主始謀為寧宗立韓侂胄始與遂節鉞適勸趙汝愚當與之汝愚不聽適歎曰禍自此始矣遂求外補未幾亦為御史所糾罷主功固觀將啟兵端欲藉適草詔以動中外侍而侂胄欲立功固位辭侂胄軍敗除適知建康府兼沿江制置使適經理堡寨漸有成績及侂胄已誅中丞雷孝友適附侂胄罷歸卒年七十四

靈巖



穹窿右倪眉天平左坐鬢吳人宅沮洳茲山抑其鎮陡起為表  
著突兀數尋似樛松頗堅瘦立石乃榮潤兼有千里陂杳靄來  
遠韻宜乎登椒邱擺落思奮迅吳主未亡時絕色館孤峻歌聲  
妙歎乃俎品窮蛤蜊援琴固停各解甲仍轉瞬終歸寂寞人破  
釜煮枯莖陳迹不足弔新締何勞問

北齋

人情無終極匪陋則求佳寢處既少安遊燕豈不懷惟思舊酒  
務糟醪荒榛埋破瓶聚隆垤新甃連長堦種竹夾超然移花遶  
北齋及爾風露清忽感意象諧幽深容浪蕩潤澤長芳荻亭亭  
兩高梧買自婁門街俟以歲屢寒宵若萬仞崖吾留能幾日齷  
齷強安排方嫌樹影瘦復慮地勢低世間香味悅每與腥羶偕  
雅故使鄭清法語仍進俳俯同侪儒笑但恐好惡乖莫窮有限

物狗此未腐骸

張氏東園送王恭父得殿字

燕鴻不相須進趨自求便余來君其館乃復當我餞一春三月  
雨亭樹鬱霧濺絮重危飛楊花蕩堆紫茜縱有百壺清何能一  
笑遣為郎昔同甲四海初會面凜然抱英特霜宇搏溫霰雄辭  
推落筆一語不可選重來更純粹玉不金就鍊漢家闡道術四  
達詔群彥談經石渠觀會議白虎殿通方更歸宿立異豈夸衍  
子行若微罪天意委深眷以其今固辭可信非始戀楚執宜縵  
締峽漲難短牽回舟泊書林及此未掩卷

奉賦德修西充大夫成都新園詠歸堂

浣花炫春溼濯錦絢晴浦成都信繁會此水工媚媼豈無濠上  
亭感步難仰俯誓言違市朝卜宅近幽阻沃沃葵莧畦焜焜棠



杏塢朝曦涇淺瀨暮色生遠渚循涯詠未厭引流絡其圃蘋荇  
依籬樊鳧雁宿庭戶長松百里外物象爭渺莽時平之隱淪蓑  
笠自歌舞岷江志東向激射走吳楚胡為滯淫之習坎聖所許

宿石門

好溪瀉百壑南北傾萬峰山凡堆阜俗映岸羞為容石門忽秀  
出老幹蔭淳洪捨舟從口入便已離塵中衆芳拱窟宅環峒獻  
竒穠藤蘿異態度尺寸疑施功錦茵翠織成照耀無春冬水行  
千丈高歎薄不可窮更有洗頭盆雲深霧常封昔年謝康樂築  
居待其終繼作者邱裴語言亦稱雄栖栖三羽衣日晏齋厨空  
來遊百世後歎息騷人風

露星亭

斗杓點翠為此城四郊環拱來遙青知君欲覽衆山小取博磨  
就天上亭身心合於高處着萬象不語森湊泊古今日色遞淺  
深志士可惜虛光陰

趙成父築亭上饒即用東里舊圃榜曰魚計

秦僑洛寓隨南公新條復欲無開封亭名若有土斷法鄭圃豈  
在章泉中舊魚遙應化龍去今魚且復波間住人為魚計魚不  
知今樂莫忘昔日悲

題鄭大惠詩卷

憶從草廬赴鄰炊蒹雪攪筵糟涌縻要當醺酣活膚湊不許雕  
刻妨肝脾何年兒孫錦裯裂金塗門扉玉為切吟中得眼萬象  
通浪吹狂歌總休歇兩家至今住連牆讀書聳鷄夜相將經明  
先入韋平室句好還升李杜堂

送鄭丈赴建寧



清廟圖書寶熙朝雅頌音頻繁三節台荏苒二毛侵衣食家纔足邱園意亦深卧聽牀下士時作武侯吟

送鄧諫從制幹

援引亦未力聲名空復傳終携太平策還上蜀江船帆色挂曉月槽聲穿夕烟滄波不盡興收拾沆花邊

送謝希孟

白頭趨幕府蚤已負平生未放鵬舒翼應須驥斂程驛梅催凍藥柀雨送春聲為語常平使開懷待子荆

送包通判兼寄滕季度

風雨逍遙地衙排印麓新鈿車分路潤寶瑟聽歌頻燈市曉侵月花田晚占春卻過張翰宅方信有閒人

贈盧次夔

家住東郊深能詩人共尋冰間道錦玉軫斷文琴城漏宵添滴牕施翔公掌教長沙頭句清甚費悲吟

施翔公掌教長沙

著蔡羲前識蕭韶舜後音追回賈誼貶喚起屈原沈湘水汀烟濶梅花暑雪深余行陳迹久因子一微吟

西山

對面吳橋港西山幾一家有林皆橘樹無水不荷花竹下晴巫釣松間雨試茶更瞻東序綵空翠襍朝霞

送曹器遠

曹子苦心懷百憂古人遠矣思同流平生未得雄豪力今日便肯卑微休麻源洞裏瓊葉雨南草市上蘆花秋十年老語為誰了西望滄江空白頭

送潘德久

每攜瘦竹身長隱忽引文藤令頗嚴聳道將軍如卻穀不妨幕  
府有陶潛江當濶處水新張春到極頭花倍添未有羽書吟自  
好全提白下入詩奩

陳藻

字元潔福唐人網軒林亦之高弟也網軒固貧而元潔之  
貧尤甚居無片瓦諸學子聚館俸為買田數畝輒被人奪  
去僑居福清縣之橫塘忍饑餓誦泊如  
也因以樂自名其軒所著有樂軒集

姚晉卿溪閣行

南院觀溪心已清縈紆更上閣中行西橫車馬市橋合東眺遠  
山霞霧生日斜沙石淺可數半夜轟雷驅猛雨農圃嘈嘈春水  
多誰得身閒延客歌醉後下齋齋拍手長株矮樹排花柳主人  
更要雙眸寬去年拄杖尋長安一行一處狂呼去日日芳園大

如許買地此多直幾金千屏萬障為墻堵

丹井懷叔達

喜稱吾子賦羞道少年時別去休論易愁來欲寄詩夕陽書不  
到殘月夢相隨晚歲傷心事松埔獨語誰

歸入古田界作

步入溪山勝橋亭古劍風土宜歸荔子村塢盡油桐南店炊初  
滑西舟石漸窮豈知旬日外便訪去時蹤

虎溪

四圍山木合百磴屋簷重古穴成幽井疎林散曉峰響泉那更  
月啼鳥此無冬臺上朝朝看天邊有怪松

自題海漁亭二首

波濤生長處土地屬東隅樹樹縣漁網村村叫鷓鴣酒旂孤嶼



見書卷一山無欲起鷄豚社因慚身業儒  
屋舍高住比鄰活計同答箸嫌月白螭蟹要霜紅吠犬隨村落  
賣魚成老翁地鹹耕種少海熟抵年豐

海口吟

按圖自古無人到二百年來戶口添架屋上山成市井張官近  
海課魚鹽估客趨潮撐米入沒入恐凍采蠟粘仲鹿尼有廟塵  
誰掃寺觀崢嶸香火嚴

題融州城樓

除卻蕉樓環解舍蕭條市井客懷悲高高下下山無數淺淺深  
深江有時大市紅裙狂女着半規白扇野人持城中昨夜亡羊  
豕聳得誰家虎入籬

客中書事

千載蠻風尚有存此來聳見不堪論猪膏澤髮湘南婦牛渤塗  
門嶺石村行客下牀調瘴藥吏人提甕灌蔬園豈無佳麗堪娛  
目別有淒涼只斷魂

真仙洞

洞裏清溪可汎舟入觀洞府出高丘老聃尸解今還狂黃帝生  
前有此不滴乳解添無數幻携燈何用不曾幽乾坤自大人身  
小拳石空中作勝遊

城山

雪霧成佳景天明又幾回忽携詩句入別放畫圖開遠樹沈如  
立行歌去似來小船衝雨過高柳接湖裁月倚孤青樹名呼怪  
石臺故園無夢想近擬築虫隈

夜宿延平水東

浮橋暫折阻狂瀾懶問津船趨往還雙劍廟前酌酒醉水西燈  
火水東看

戲題宏仲飲亭酒肆

老去雖貧有酒壚秫田親種暫時沽閨中不鮮為慳婦問劉  
郎燕客無

盧北山元夕

社屋相忘鼓笛鳴空村步月興堪乘何須更要鼇山立野燒天  
邊勝看燈

送黃欽之赴廣州鹽稅

地氣周遭逐虎流五羊漸已似中州海風吹斷山無瘴炎月何  
妨作宦遊

陳傳良

字君舉温州瑞安人初惠科舉程文之與思有以矯之其  
為文章自成一家遂以文名擅當世及入太學與張栻呂  
祖謙友善東萊為言本朝愈眾登進士甲科教授泰州用  
義之功自是四方受業者愈眾進士甲科教授泰州用  
薦改太學錄通判福州為豪強所中罷官凡五年起知桂  
陽軍先宗立稍遷提舉常平轉運判官轉浙西提點刑獄  
召為吏部員外郎去朝四十年至是始歸鬚髮盡白都人  
聚觀嗟歎號陳老郎中因輪對首以寬民力為言帝嘉納  
且勞之曰卿皆安在不見久矣其所以所著書示朕退而  
周禮說十三篇擢秘監歷檢討寔錄起居中書舍人會光  
宗不朝重華傳良力諫帝將從之及出至御屏皇后挽帝  
回傳良遂趨上引裾后叱之傳良哭于廷后益怒傳良下  
殿徑行改修撰不受寧宗即位召為直院詔與朱熹在外  
宮觀傳良執奏繳還詞頭為中丞謝深甫所劾出提舉興  
國宮嘉泰二年進寶謨閣待制終於家年六十七  
謚文節其著述有詩解詰周禮說春秋後傳等書

遊白石巖

地向東南傾石際滄海立蛟鼉限波濤雞犬得城邑居然通國  
望跋莫他山及道人獨有之置屋三四級幾看星月爛卻聽風  
雨急于今二百年我共冥鴻集晤語夕陽低對酒秋旻溼



送葉正則赴浙西憲幕

頻年送行客酒罄詩不工  
最晚與君別奈此百感叢  
岐山有鳴鳳雅頌移幽風  
于時二老生出處海上同  
曹劉對七箸失色一語中  
明朝蜀江水不與灞澹通  
人心起毫末世故閑鴻濛  
乃知貧賤交不下王霸功  
霜根宿病驥帆背蜚鴻  
秋水能隔人白蘋况連空  
相從自束髮各去隨轉蓬  
今懷欣有合後會苦未重  
鱸魚直萬錢羊酪倍一鍾  
願君養盛年我友半已翁

借書一首別薛子長

曲阿看柴扉陋甚誰盤桓  
美人此何求巨竹數十竿  
日閱書百篇尚覺目力寬  
欲從我借書我書何足觀  
辛勤抱遺經及此鬢髮斑  
一語未領會累日不自安  
雖更聖人手亦恐衆說漫  
况復秦漢下曾莫修與刪  
致之獲麟前存者今若干  
我無所取裁望洋久空歎  
讀書固匪易窮理良獨難  
昨來荷堤上嘗試及孟韓  
此語如涓涖此道如丘山

張漕行部過湘岸有作因次其韻

春晚得新霽草木日夜綠  
陽光初蔽虧野暝或單複  
美人浮湘波領此入蓬屋  
故放歸帆遲更呼漁火續  
窮探物精華盡付詩凡日  
憶昨欣晤對令我忘休浴  
劇談酒行希危坐兵衛肅  
相思正倚樓所寄忽累幅  
魂辭買堪貧軼韻和難屬  
自從楚騷興悲些逮差玉  
後來數唐人歎乃巖隈宿  
世無梁昭明斯文又誰錄

送郭希呂

我門閉重重我徑阻且深  
梅花獨相依聊以慰我心  
美人從何來崎嶇自幽尋  
亦于琢冰中而和南風琴  
菜甲尚可羹新芻足同斟  
不知歲已華歸興生霜砧  
欲別復少住棲鳥歸月林  
客去

鳥翔飛落花滿墻陰

送趙叔靜教授閩中

讀書須讀經學文須學古青衫故不換白髮早可數我亦窶人子風雨蔽蓬戶胡為數相遇夜話恒過午

簡友人

南去有五嶺北來有重湖水清石益竒往往中州無枉督宦遊者越若韓張徒胡然自衡陽隻雁亦不徂

和張倅唐英詠梅二首

種梅欲百畝巫老意未渝有山在堂背有溪在庭除我危坐中夾花以真坐隅人固不可親花亦不可疎花芳以養性花蔭以休影更欲從荀謀種秫可半頃衝寒時一觸我醉花獨醒醉醒兩相忘久矣繫歸艇

春晚書懷奉簡陳益之

百舌喜太甚杜鵑恨何深睨睨斯黃鸝律中宮之音物情自不齊天運初無心道人獨領會杖藜立芳陰

讀范文正公神道碑有感佚事

武侯不可致玄德造其廬公在衰經中乃上時政書維時君臣定事與草昧殊出處千載同豈必名迹如行伍拔大將寒饑得名儒推轂天下士百年用其餘生平慕河汾未許王魏俱殷勤八司馬意獨何區區自古朋黨論消復莽無期誰令羣疑亡韓富及有為恪哉公不見功名止西陲

送謝希孟歸黃巖四首

紛紛竹帛傳浩浩金石刻淪亡已無限存亦誰愛惜如何伏羲氏文字二三畫姬孔豈不聖用以演周易



法令如牛毛斯執信手成簿書積丘山趙張眼愈明萬人立下  
風國勢尊且榮未有三代前誰獨有此名  
圭璧襲縹藉山龍飾衣裳不聳燧古初而興自虞唐毀車崇騎  
射隸作篆籀藏至今人便之秦亦忽以亡  
累觴以為歡班荆以為儀交際貴如此勿使至意虧頗常怪小  
雅鹿鳴至魚麗賓主禮百拜六經似支離

送鮑清卿教授莆中

閩中豈不好莆中况多儒其山有丹荔其水有子魚艾軒諸老  
生典則故所餘堂堂退傳門海內欲曳裾宦游得此樂餞者酒  
滿車我亦勸君酒我意獨未舒嘗聳入林獵不可背水漁背水  
漁尚可背時更崎嶇方今朝廷尊紳笏日走趨官多豈勝記勢  
遠復易疎媒身衆所同藉口誰不如奈何但溫飽去向天一隅

平生拙自謀蓬老歲月除更事亦既熟畫此未必愚豈有服蒞  
蘭佩之以瓊琚令人愛不見搔首空踟躕

夷門歌送修德還闕

萬古江入海吳蜀有不通不通誰使然人自為異同昔狂李孟  
錢土各懷土封靜言彼何尤亦各徇所忠恭惟宋受命三姓皆  
朝宗斯文已百年名世纔數公眉山與金陵柰何不相容大雅  
如關洛亦復互詆攻朋分文字間禍起師友中四郊忽戎馬塵  
滿夷門宮往事已復轍後事如飄蓬一飢忘苦飢一禍忘苦冬  
身謀每不長王事靡有終有客獨惻惻萬里興深衷相遇話離  
合歷歷繇熙豐我久世慮薄念之涕無從貧賤將安歸功名枉  
其逢有能用斯人可使百阻空西為不為西東人不為東

送范憲東叔帥潼川



相從意氣豪相知鬢毛斑細說竟昨非淺斟始今歡每懷吾黨  
多未救此世難一則琢冰雪再則紉芝蘭騷人絕芳潔孰與風  
人寬

水仙花

江梅丈人行歲寒固天姿蠟梅微着色標致亦皆時胡然此柔  
嘉支本僅自持迺以平地尺氣與松篁夷粹然金玉相承以翠  
羽儀獨立萬槁中冰膠雪坐坐水仙誰強名相宜未相知刻畫  
近脂粉而况山谷詩吾嘗抱太和未易形似窺當其自英華造  
物且霽威平生恨剛褊未老齒髮衰掇花寘膽瓶吾今得吾師  
送同年林多益丞寧海

同里衣冠近潤疎同年齒髮多衰變美人宜在玉笏班隱吏亦  
隨花雨縣有杭一葦逢迎可每食雙魚甘旨便顧瞻周道竟何  
如善為身謀吾豈願清廟笙鏞濟濟陳碧梧鸞鵠深深見由来盛  
事歲月晚誰到修途肝膽健楊花吹水酒搖波一請加餐再無倦  
赴桂陽道中喜晴書事

十日九雨坐坐雪馬僵僕病泥乘橈披衣闔戶得星月耳根久  
與朝雞別熟睡八年謀未拙乞未作糜蒙被啜客來午漏家僮  
出如今兒嗷妻愁絕我縱喜晴心已折可以藝麻多筍蕨苟有  
一丘吾計決奈何諸公廝役皆豪傑尚愛春陵老元結

送宋國博叅議江東分韻得夜字前年上幸學一時同舍  
今去略盡為之悵然

南門供帳江上亭北門觴酒湖邊榭兩年出餞畧可數往往行  
人半同舍憶昔翠華臨壁海儒先一日爭散價蘇君舌掉巫峽  
水楊君氣奪幽并夜黃君石矼不可轉夫子居然古彛竿艾軒



風流天下少獨奏咸韶無復夏黃梁未熟事如許白髮不生心  
亦怕古來賢俊多坎軻道與世違胡足詫武皇好少臣已老孟  
子尊王君尚霸嗟乎夫子幸遭時諸公滾滾皆流亞德尊不過  
五品薄歲晚曾無一餘暇君恩豈必間湖海家事姑惟問桑稼  
此行端可振頽俗令我短轅今欲駕

送沈元誠赴臨漳主簿

誰說鄉先進能無沈隱侯青衫今適越白髮竟依劉道固為名  
累人當與命謀三台行漸近且勿問歸舟

和張孟阜歲旦韻

白髮朝看鏡青燈夜數更文章翰善官名字誤浮生廢學兒鼯  
睡安貧婦盭耕從今定逢吉吾已卜先庚

月夜書懷二首

送客門初掩收書室更虛新篁高過瓦涼月下臨除婦病終扶  
杖免饑或饋魚今朝吾已過莫問夜何如  
道德吾何敢功名代有人蒼黃恒畏咎斑白總憂貧細字書全  
廢深杯酒勿親靜言空自愛萬古亦泯泯

送鄭少卿景望知建寧

屏廢誠愚分牢愁更索居若逢知己問猶解課兒書地僻門長  
閉年饑菜自鉏相望無一字不是故情疎

沈元誠歸自臨漳喜而奉寄

荔圃班班熟蠓房箇箇肥我雖緣此誤公亦為何歸吏事生衣  
垢家山減帶圍不無華袞字卿月更光輝

村居

野衣農圃雜華髮弟兄同佚老便居僻貪閒喜命窮習成杯酌

少脫落語言工危坐看流景新萌又落紅

牡丹和潘養大韻

看花喜極翻愁人京洛久矣為黃塵還知姚魏輩何在但有歐  
蔡名不泯夕陽為我作初霽佳節過此無多春更燒銀燭飲花  
字五陵佳氣今方新

湖樓送客即事

誰家喧騎盡朋簪屋壓城頭水照簷橘袖兩山香盡處蒲荷十  
里淨相兼愁將久雨春無賴別在明朝酒未厭甚欲去同三四  
友鱸風更捲一江簾

丁端叔送海錯以詩來用韻酬之

澤魚山豕各忘年味可勝窮總所便堪笑荆梧相俎豆遂令蠶  
觸自矛鋌食無誤蟹車同軌貢不徵蚶澤漏泉我枉窮山人迹

罕亦蒙惟錯饋甘鮮

戊申臘桂陽喜雪

月不能明雨卻稀山容野色夜輝輝清霄下際雙瓊闕仙仗前  
驅萬玉妃亘古嶺旁冬不到從今湖北外歲無饑來年此日吾  
何適蓑笠寒江一釣磯

遊南嶽

天作之山曷為哉遙知閭闔正南開兩川文武長江下百粵車  
書五嶺來柴望久為周墜典牢愁多見楚遺才不知崧岱還何  
似我欲將書寄雁回

登祝融峯喜霽

仰止扶藜鬢髮蒼恰當風雨暗三湘為誰一闢天無際及我重  
來日未央江過數州多曲折山緣長畝半青黃老僧耐得從頭



問問到吳門竟渺茫

和沈帥持要張漕季長韻

欲杭一葦近散光恨不先期燕子涼  
舊學甘盤聊此日倦遊司馬尚他鄉  
別從滄海山橫斗來自岷峨水溢觴  
不謂偶成三楚客得為蘭杜附諸香

登祝融峯觀日出

星月凋零萬象昏誰能先我見朝暾  
東南已得乾坤正蠻觸方知夜旦分  
但覺滄溟浮佛屋卻忘衡嶽近天閣  
迢迢下憩山腰寺人世浮雲尚吐吞

喜雨

天顧于人畧有情片時收盡越山青  
老農望外扶犁立倦客愁邊擁被聽  
塵翳欲清閭闔道井花已上輓轡亭  
冥冥直待黃梅熟未要風池看約萍

除夜宿處州天寧寺

人言老去不如初我愛初心老轉無  
懶向門前題鬱壘喜從人後飲屠蘇  
杯盤甚簡眼須早禮數多寬拜要扶  
况復勦勦僧紙帳雞人不聽禁庭呼

己未上巳清明

霖霖故作落花天佳節重重倍悵然  
雖有庭除臨曲水更無尊俎試新烟  
醪醑雅欲延春賞杜宇還能破晝眠  
賴得二昆同一客巖芽蒲筍短檠邊

挽尤延之尚書

留宿江湖長孫子行藏節節耐人看  
及為侍從身坐老欲試平生事轉難  
書就僅題前太史功成方記舊甘盤  
令人長恨經綸

意歷事三朝見一斑

和丁少詹

明月隋珠忽墮前坐令衰颯意飄然無端太史頭搶地安得楊  
雄賦上天前輩門墻餘幾在他時竹帛竟誰傳落花流水君愁  
不南渡于今六十年

楊伯子持其尊人誠齋南海集為贈以詩奉酬

得與門墻最不遲白頭方誦嶺南詩文從嘉祐今三變人在廬  
陵此一時細數儒先能幾見獨憐歲晚欲何之瀟湘直下長江  
去得望蓬萊卻更疑

送辛卿幼安帥閩

長才自昔恨平時三入修門兩鬢絲笈下可能長夜飲花間卻  
學晚唐詞潛然北顧閩河永簡在西清日月遲乘雁雙鳧滄海

上與君從此心差池

幼安詞妙一世而詩句不傳良恨事也

重陽日寄瑞安劉宰宰以是日宴新第人

落帽沾衣總失真追隨萸菊亦勞神酒無肴核依然好家有溪  
山豈是貪沆瀣從空來夜氣青冥隨處際秋旻不知此是登高  
否為問慈恩塔上人

上閩帥梁丞相生日二十二韻

炎正維中葉皇圖再造年天潢流少海星緯聚台躔臣主嘗難  
並乾坤豈偶然千齡開歷數一氣付陶甄黃屋傳神器彤庭領  
衆仙風雲從此會日月更誰先昔者求侵地何人賦甫田吳兒  
咸抵掌噲等欲差肩廟論惟多士戎功不枉邊一麾分赤社萬  
事屬青編吾道誠難用諸儒亦自偏才名多獲落經術失拘牽  
洛蜀何嗟及熙豐竟禍延苟羅兼雁鷺平步忽貂蟬甚矣知當



寧淒其望濟川年來羣老去公在萬民縣定作益梅夢行歌杖  
杜還滄溟宗口濫衡嶽倚蒼宮要使坐身後無為慰眼前管絃  
無算爵桃李未央天魯燕雖堪頌閩山不足鑄中原康濟事  
鼎願聯翩

方信孺

字孚若興化軍人未冠能文周必大楊萬里見而異之用  
父蔭補者禹縣尉會韓侂胄啟邊釁上意尋悔金亦厭兵  
乃遣韓元親未使缺命使往報難其人近臣薦信孺可使  
自蕭山丞召赴都假密院參謀官持替帥張巖書通問金  
廷金帥止千獄中露刃環守之絕其薪水要以五字信孺  
見左丞相完顏宗浩持辯益力宗浩授以報書而還時孺  
三十仕途偃蹇屢起屢躡自放於詩酒以終

題龍隱巖

春波飽微綠斗柄函空明方舟貫巖腹鷺鶴相酬鳴仰窺穹窿  
頂宛轉百怪呈僅餘鱗甲碎不見頭角惺不闖清冷淵演迤萬

頃澄但同魚鳥參勿遣蛟龍驚扶苔無竒篆倚檉看題名三將  
標殊勳自與山不傾誰歟贅小築正恐山靈嗔南澗更幽絕仙  
佛依崢嶸太虛可為室豈復資藥楹乳泉助茗椀中有冰雪清  
何須駮鸞去此即白玉京鼎來不速客抱琴忽遲迎爰此無絃  
曲巖溜同一散為君洗塵耳喚我詩魂醒祇愁白衣到好句無  
繇成

桂州黃潭舜祠

西風攪桂樹落日明楓林遊子懷歸期余悲渺登臨虞山一何  
高湘水一何深英皇僅枯冢寂寞熏兮琴我欲奏古曲俗耳便  
哇淫古器不可見聊作相思吟相思長相思相思無古今一歌  
衆鳥聽再歌萬籟瘖推手君勿歌有酒且孤斟落落此時意寥  
寥千載心五絃毋庸絕四海誰知音

龍隱即事

石門元不鎖巖屋本無基九夏花猶在千年樹倒坐僧閒方定  
起客到每歸逢甚欲眼蓬葉沿崖續斷碑

玩珠巖

歸舟多載小江春重訪東巖舊履痕揮水峭崖猶有路坐天怪  
石本無根金華仙伯真知己惹惹將軍足斷魂安得北山公可  
作倩渠移取向家園

山行二首

爰山那惜走千回生怕前驅後倚催石上參差鱗甲動眼中枉  
處畫圖開騃鸞未辦乘風去浮鷁何妨載雨來人事百年俱變  
滅祇應題字不塵埃

雨腳初收魚尾霞滿溪流半溪花尋源曾識武陵洞泛宅如  
浮苔雪家但得嵌空元有路何如峭絕不容車道人辛苦經雲  
水成塔從來是劫沙

遊中隱巖至新洞作

尋徧洞天三十六蒼靈獨秘此巖扉旋除野草鉏新逕遮莫寒  
藤刺客衣歲月偶同題壁字烟霞似不放人歸把茅欲作開山  
主已落瞿曇第二機

呂叡之

字太享新昌人寧宗朝與陳君舉蔡行之狂師友間皆以  
學行著用恩授平陽丞轉節度推官有沃州雁山草

題南巖寺

誰把長竿釣巨魚至今蹲石倚空虛蜂房爰向山厓結鳥跡疑  
從海島居入座翠嵐生晝寂夾川紅樹照春餘任公此去三千  
載為看芳碑一慨吁



寄太湖黃縣尉

立頃談餘袂輒分乖離數數異朋羣君如天揭行空日我亦風  
吹過嶺雲不許范張同飯黍空慙李杜共論文睽違動涉經年  
裏碁壘詩壇要策勳

舒城道中

還轅天作十分晴馮出秋光一派清  
乘筆欲題人到跡揚鞭不住馬嘶  
轂頃禾晚熟黃雲色籬菊朝含白  
露英得似淵明便歸去候門童稚  
出歡迎

重陽桐城道中

萬古長淮一帶流從來戰地不容休  
間關千里軍前餉牢落重陽客裏秋  
悵望白衣來送酒了無黃菊與簪頭  
何人早斷口蘭首試解君王宵旰憂

西寺留題

白石孤雲自在閒紅塵一事不相關  
寺遮翠靄青蘿外人到落花流水閒  
欲取錦囊收勝槩慚無玉帶鎮名山  
白蓮喜結當年社未厭朝來暮便還

題龍翔觀

曾到龍翔不記年兩峰巍壓水中天  
潮生潮落青蕪外人去人來白鷺邊  
四接遠遊僧萬笠重新舊觀屋千椽  
東南送目秋無際隔岸人家問釣船

桂花

獨占三秋壓衆芳何誇橘綠與橙黃  
自從分下月中種果若飄來天際香  
清影不嫌秋露白新叢偏帶晚烟蒼  
高枝已斷卻生手萬斛奇芬貯錦囊

宋元詩會卷之四十五

院桐陳焯默公輯選  
後學程仕松皋參較

趙蕃

字昌父其先鄭州人祖暘以秘書少監提點信州治坑因  
僑居玉山蕃用暘恩補州文學為太師直始蕃受學於  
里調辰州司理與郡守爭獄罷官人服其直始蕃受學於  
劉清之劉守衡州蕃乃求監安仁酒庫及至衡而清之罷  
蕃即巧祠從清之歸其於師友之際如此理樂易而持已  
不赴以直秘閣致仕年八十七平生與人樂易而持已  
剛介不可及相周必大與蕃夙契屢加引薦竟不受  
劉宰嘗嘆曰舊家典型歸然獨存者蕃一人而已

小園早作

今朝欣雨止天氣漸柔和籬落小桃破階除馴雀多占方移果  
樹帶土濯蔬科農務侵尋及吾寧久卧疴

分界鋪愛直驛張安  
之前有老梅一株

不知安道何為

宋元詩會

卷之四十五

存素堂



杉自誰人種梅從何代栽腹空雷故擊根瘦土無培要是百年  
物曾經幾客來直哉雖見錄青矣可遺材

送王子遵赴衡陽丞

王郎妙人物獨步尚江東昔尉既不醉今丞寧肯聾相依唇齒  
國忽去馬牛風清絕官曹外何年著我同

螢火

渾忘生朽質直擬暮光輝解燭書情靜能添列宿禘當風方自  
表帶雨忽成微變滅多無理榮枯曾一歸

上已

朝来一雨快陰晴東郊百鳥間闐鳴受風柳條不自惜蘸水桃  
花可憐生不見山陰蘭亭集况是長安麗人行東西南北俱為  
客且送江頭返照明

劉過

字改之為辛稼軒客其詞能  
做辛體而詩則別有會心

過京口放歌

金焦兩山相對起不盡中流大江水一樓坐斷天中央收拾淮  
南數千里西風把酒閒來遊木葉漸脫人間秋闕河景物異南  
北神京不見雙淚流君不見王勃詞萼能蓋世當時未遇庸人  
耳翻然落拓豫章遊滕王閣中悲帝子又不見李白才思真天  
人時人不省為謫僊一朝放迹金陵去鳳凰臺上望長安我今  
四海遊將遍東歷蘇杭西漢沔第一江山最上頭天地無人獨  
登覽樓高意遠愁緒多樓乎樓乎奈爾何安得李白與王勃名  
與此樓長突兀

舟中



扁舟上灘風怒惡舟入深溪雪花落我行無事有底忙且向荻  
花深處著鄰舡乞火炮蛤蜊樽中濁醪把一卮陶陶萬事不復  
理凍口且吐酸寒詩

遊石山

信步作幽計有菴如此深佛燈明老屋秋日淡疎林栢樹祖師  
意松楸老子心十年棄鄉井灑淚一悲吟

弔張魏公

背水未成韓信陣明星已隕武侯軍平生一點不平氣化作祝  
融峰上雲

樓鑰

字大防明州鄞縣人隆興元年試南宮考官胡銓稱之曰  
此翰林才也試教官調温州教授召入出知温州光宗嗣  
位召對除考功郎擢中舍代言得體繳奏無所迴避上嚴  
憚之光宗內禪詔出鑰手一時傳誦朱熹以論事忤韓侂

胄罷職鑰力爭之趙汝愚曰樓公當今人物也遷吏尚俄  
以顯謨閣學士提舉江州從胄誅還吏尚兼侍講年過七  
十精敏絕人除資政殿學  
士進大學士薨謚宣獻

題孟東野聽琴圖因次其韻

誰歟住前溪夜深清琴鳴天高豪氣肅月斜映疎星椽林助蕭  
瑟泉聲激琤瑤瑤彈者人定佳能使東野聽東帶不立朝遙夜甘  
空庭龍眠發妙思神交窮杳冥不見彈琴人画出琴外聲郊寒  
凜如對作詩太瘦生恨不從之遊撫卷空含情

跋汪季路所藏修禊序

永和歲癸丑羣賢會蘭亭流觴各賦詩風流見丹青右軍草禊  
序文采煥日星選文乃見遺至今恨昭明字畫最得意自言勝

平生七傳到末師襲藏過金籛辨才尤秘重名已徹天庭屢詔  
不肖獻託言墮戎兵妙選蕭御史微服山陰行譎詭殆萬狀徑



取歸神京辯才恍如失何異勅六丁文皇好已甚丁寧殉昭陵  
當時馮趙輩臨寫賜公卿惟此定武本謂出豎率更採擇獨稱  
善遂以鐫瑤瓊流傳殆五季皆在御寢扃耶律殘石晉睥睨不  
知名意必希世寶瓊裹載輜輶帝紀既北去棄與朽壤并久乃  
遇知者龕置太守廳或云政宣間此石歸紹彭又言入內府宣  
取恐違程焚膏繼短晷拓本手不停疊紙至三四肥瘠遂異形  
南渡愈難見得者輒相矜汪侯端明子嗜古自弱齡錦囊荷傾  
倒快覩喜失聲帶流乃古天徃徃字不成而獨此全好護持如  
有靈元王號博雅異論誰與評硬黃極摹寫唐人若無稱贗本  
蒲東南瑣瑣不足呈猶有發與撫武硃近璜珩右軍再三作已  
覺不稱情心摹且手追安能效筆精響榻固近似形似神不清  
不如參其意到手隨縱橫

吳江舟中

阿連久矣其一被小別愁生無夜寐風帆將我上征途回首江  
山日千里小舟橫卧吳江水夢回依約蕭齋裏五更漏急月黃  
昏鳥散一聲人未起

石門洞

扁舟百里連城回青山中斷立兩崖清都虎豹隱不見但見閭  
闔排雲開峰回失喜大飛瀑聲震萬壑驚春雷掀髯目及九霄  
外玉虹千丈飛空來一冬青女斲天雪不知聚此山之隈傳聳  
神龍卧其上寶藏擊碎真瓊瑰胷中先自無塵埃到此更覺心  
崔嵬天風為我喚空翠春水瀉入騷人懷謫僊曾來寫勝句劉  
郎又為開天台我漸筆無挽牛力醉墨滿紙誰為裁或言龍湫  
更奇絕佳山高處深雲隈我方携筇往尋訪未知此此何如哉



跋李少裝修禊序

唐文皇之賜韓王有崔潤甫之題為可放若李重光撥鐙書  
斷然無能效之者真為真筆何疑朱徐開皇之記則已見少  
裴之辯開元去正觀未遠潤甫又職校定四部圖書以為最  
善本則真善矣辯才之本既殉昭陵今世止以定武本為第  
一又出岐陽率更所臨石本自應在墨蹟之下則知此本信  
為冠絕蓋希代寶也然考之新舊唐史崔湜弟液湜及從兄  
淮並有文翰居清要液至殿中侍御史液弟滌明皇用為秘  
書監出入禁中後賜名澄如此則液為湜之親弟而為秘書  
監者滌也又宰相世系表博陵安平崔氏仁師相太宗高宗  
次子擢擢之子液吏部員外郎第四子挹挹之子湜相中宗  
湜之弟滌秘書監如此則液為湜之從弟又不為秘書監傳

之與表已自不同而滌之親筆乃爾以是知作史與考古之  
難也因併述之乃賦長句以留少裴好古之意

蘭亭修禊永和中羣賢高會俱雍容右軍作序亦偶爾藁草乃  
致傳無窮自言疑若有神助他日屢書終不同歷代傳寶在秘  
府尤其甚者唐太宗當時採取極心力摹本一一賜羣公惟此  
真蹟最奇絕蕭梁開皇有遺踪親御奎文賜元嘉龍蟠虎翥何  
其工辯才所取秘昭陵此本一洗凡馬空崔家兄弟列清要誨  
子况復稱龜龍圖書四部資校讐當時尚有正觀風自云此為  
最善本水衡臣液題甚恭李王深得撥鐙法筆力絕勁雄江東  
右軍以來皆妙筆名勝異代如相從病餘扶德行掃松李君携  
來為發蒙平生多有舊墨本一見使我開心胸摩挲數息不自  
已至寶盍入明光宮隱居懷寶正不惡異氣或能牛斗衝叩門



客至勿傾倒恐有御史來乘驄

錢清王千里得王大令保母甄刻為賦長句

書家千載稱蘭亭蘭亭真蹟藏昭陵只今定本誇第一正觀臨  
寫鐫瑤瓊黃閣岡下得寶墨古人燒甄堅於石大令親書保母  
銘况是當時晉人刻甄雖破裂裂文多全妙畫遠過蘭亭鐫其間  
曲水悲夫字駸駸欲度驪騮前我家阿連縛虎手更得退堂方  
外友王君素出三槐家參生會文真耐久田丁初來獻小硯尋  
見津津若微溜細看背刻晉獻之永和彷彿旁右丞上訪田家  
叩所從始知墓崩隨意收大甄支牀得前段掀倒浮屠金尾首  
字為十行行十二百十有七三字漏交螭方壺不復見貞石摧  
藏松亦朽我得此碑喜不寐摩挲三數未有興興寧甲子十四  
周更閱三年仍乙丑若非洞曉未來教安知八百餘年後坡翁

應未見此志金彈之銘何絕類人知文章有暗合智者所見略  
相似二王遺蹤無所遺誰知地下此段奇三君共為成勝事至  
寶呈露端有時越山盤屈獻與羲什與兒孫世守之煩君更為  
護幽窵或恐意如猶有知

徐淵子

數未有

號竹隱天台人有詩名與戴復古同里復古初從徐學詩再登陸放翁之門其源淵如此

九日

衰容不似秋容好坐上誰憐老孟嘉牢裏烏紗莫吹却免教白  
髮見黃花

買硯

俸餘擬辦買山錢却買端州古硯甄依舊被他驅使枉買山之  
事定何年



戴復古

字式之天台黃巖人父號東皋子工詩見前復古奉遺言收拾殘稿遂刻苦聲律繼以詩名東南名山川遊歷幾偏歸老委羽之下所居南塘有石屏遂以自號焉

求先人墨蹟呈表兄王季文

我翁本詩仙遊戲滄海上引手掣鯨鯢失脚墮塵網身窮道則  
腴年高氣彌壯平生無長物飲盡千斛釀傳家古錦囊自作金  
玉想篇章久零落人間眇餘響按求二十年痛淚涇黃壤君家  
圖書府墨色照青嶂我翁有遺迹數紙古田樣髣髴鍾王體吟  
句更豪放把玩竹林間風寒凜悽愴昂昂野鶴姿愧無中散狀  
兒孤襁褓中家隨風掃蕩於茲見筆法可想翁無恙幽居寂寞  
鄉風月共來往眾醜成獨妍羣瘖怪孤唱一生既蹉跎人琴遂  
俱喪託君名不朽斯文豈天相舊作忽新傳識者動慨賞嗟予

忝厥嗣朝夕愧俯仰敢墜顯揚思幽光發草莽假此見諸公丐  
銘松栢壙君其啟惠心慰彼九泉望

夢中亦役役

半夜羣動息五更百夢殘天雞啼一聲萬枕不遑安一日一百  
刻能得幾刻閒當其閒睡時作夢更多端窮者夢富貴達者夢  
神仙夢中亦役役人生良鮮歡

答婦詞

舊嘗和彥先婦答夫二首故復賦此篇

江山阻且長矯首鄉關隔空閨泣幼婦顛顛失顏色隱聞鸛鳴  
篇寄彼西飛翼剝封覽情素既喜復淒惻別時梅始花傷今食  
梅實覽古帝王州結交遊俠窟千金沽美酒一飲連十日春風  
吹酒醒始知身是客杜宇啼一聲行人淚橫臆衣破誰與紉髮  
垢孰與櫛勿謂遊子心而不念家室新交握臂行肝膽猶楚越



醜婦隔江山千里情弗絕慙慙揮報章歸計何時決今夕知何  
夕睹此纖纖月此月再圓時門前候歸車一作轍

大熱三首

天地一大窯陽炭烹六月萬物比陶鎔人何怨炎熱君看百穀  
秋亦自暑中結田水沸如湯背汗涇如潑農夫方夏耘安坐吾  
敢食

大渴遇甘泉汲多井欲竭入喉化為汗不救胸中熱吾聳三危  
露迴與眾水別其色瑩琉璃其冷勝冰雪安得一杯來為我解  
此渴

天嗔吾面白晒作鐵色深天能黑我面豈能黑我心我心有水  
雪不受暑氣侵推去北窓枕思鼓南風琴千古叫虞舜遺我以  
好音

祝二嚴

僕本山野人漁樵共居處小年學父詩用心亦良苦椽索空虛  
腹綴緝艱辛語糊口走四方白頭無伴侶前年得嚴粲今年得  
嚴羽我自得二嚴牛鐸諧鍾呂粲也苦吟身束之以簪組遍參  
百家體終乃師杜甫羽也天姿高不肖事科舉風雅與騷些歷  
歷狂肺腑持論傷太高與世或齟齬長歌激古風自立一門戶  
二嚴我所敬二嚴亦我老歸故山殘年能幾許平生五百  
篇無人為之王零落天地間未必是塵土再拜祝二嚴為我收  
拾取

頻酌淮河水

有客遊濠梁頻酌淮河水東南水多鹹不知此水美春風吹綠  
波鬱鬱中原氣莫向北听汲恐有英雄淚



元宵雨

窮人不謀歡元夜如常時晴雨均寂寞早與一睡期朱門祭燈  
火歌舞臨酒池酒闌歡不足九街恣遊嬉前呼驚市人簫鼓逐  
後隨片雲頭上黑翻得失意歸

琵琶行

潯陽江頭秋月明黃蘆葉底秋風聲銀龍行酒送歸客丈夫不  
為兒女情隔舫琵琶自愁思何預江州司馬事為渠感激作歌  
行一寫六百六十字白樂天白樂天平生多為達者語到此胡  
為不釋然弗堪謫宦便歸去廬山政接柴桑路不尋黃菊伴淵  
明忍泣青衫對商婦

伏龍山民采正甫湖山清隱迺唐山人陳陶故園曾景建  
作記俾僕賦詩

故人昔住金萼峰面帶雙溪秋水容故人今住伏龍山陳陶故  
園茆三間千載清風徐孺子門前共此一湖水百花洲上萬壘  
楊白鷗羣裏歌滄浪故人心事孺子高故人詩句今陳陶短衣  
飯牛不逢堯何如繡鞍上著錦官袍瓦盆對客酌松醪何如柴  
霞觴泛碧葡萄豆其然火度寒宵何如玉堂夜照金蓮膏吟成  
秃筆寫芭蕉何如沈香亭北醉揮毫再三問君君不對目送飛  
鴻楚天外細讀山中招隱篇超然意與烟霞會照影湖邊雙鬢  
皓此計知之悔不早三椽可辦願卜隣荷鍾相隨種瑤草

詰燕

去年汝來巢我屋梁間汙泥高一尺啄腥拋穢不汝厭生長羣  
雖我護惜家貧惠愛不及人自謂于汝獨有力不望汝如靈蛇  
銜寶珠雀獻金環來報德春風期汝一相顧對語茅簷慰岑寂



如何今年來於我絕蹤跡一貪簾幕畫堂間便是吾廬為棄物  
寄趙鼎臣

學如劉子政不使校書天祿閣文如李太白不使待詔金鑾殿  
倚樓終日看廬山贏得虛名聳九縣才忌太高心忌太清平平  
穩穩為公為卿騏驎可羈乃歸帝閔麟鳳莫馴為瑞人間人間  
為瑞徒能好騏驎可羈終遠到歲寒心事幾人知手把梅花供  
一笑

秋懷

紅葉無人掃黃花獨自研聽談天下事愁到酒樽前水濶終非  
海樓高不到天昔人已懷古况復後千年

水陸寺

長沙沙上寺突兀古樓臺四面水光合一邊山影來靜分僧榻

坐晚起釣舡回明日重相約前村訪早梅

歲暮呈真翰林

歲事朝朝迫家書字字愁頻沽深巷酒獨倚異鄉樓詩骨梅花  
瘦歸心江水流狂談渺無際忍看大刀頭

淮上春日

邊寒客衣薄漸喜暖風回社後未聳燕春深方見梅壯懷頻撫  
劍孤憤強銜杯北望山河語天時不再來

題張簽判園林

園圃屋東西從君一杖蒹雨寒花蕊瘦春重柳絲垂亭館常留  
客軒窓總傍溪摩挲雪色壁安得好詩題

劉興伯黃希宋蘇希亮慧力寺避暑

何處避炎熱相期過寶坊萬松深處坐六月午時涼鍾磬出深

屋江山界短牆醉來歸興懶留宿贊公房

黃道士出文

林屋何瀟灑權為羽士家客來多載酒僧至自煎茶試墨題新竹攜筇數落花飲中忙過日無暇問丹砂

陳伯可山亭

梯險登霞外乘流過竹西寒溪隨雨漲高閣與雲齊雙鶴有時舞孤猿何處啼清吟無盡興白石可留題

沈莊可號菊花山人即其所言

老貌非前日清吟似舊時已無藏酒婦幸有讀書兒連歲修葺屋三秋繞菊籬寒儒有奇遇太守為刊詩

訪陳與機縣尉于湘潭下攝市

清談守風節當官若隱居自稱為漫尉人道是迂儒俸外無炊

米公餘但讀書王門多貴戚道眼視如無

題趙庶可山臺

天造此一景超然闔閭間坐分臺上石看盡越中山松月照今古樵風送往還只愁軒冕出閒却白雲關

姪淑遠遊不得書

客夢江湖遠窮居骨肉離尺書無寄處中夜不眠時念爾衣裘薄蒲懷風露悲狂遊斷消息深負竹林期

歸來兒子創小樓以安老者

老去知無處歸來得自如幾年眠客舍今日愛吾廬處世無長策閒時讀古書但能營一飽渾莫問其餘

一笑

海曲荒涼地吟邊蹭蹬身時危法當隱年老慣居貧俗客苦戀



生小孫癡弄人等閒成一笑不覺把杯頻

題姪孫豈潛家平遠圖

好山橫遠碧平野帶林塘四望耕桑地幾年雲水鄉海天龍上下秋日鶴翱翔觀物忽有感無心任草堂

舟中

艤擢河梁畔推篷得句新雲為山態度水借月精神密樹藏飛翮平波見躍鱗饑年村落底也有醉歸人

送曉山夏河甫入京

歲月頻看鏡功名一據鞍勿言行路惡有志戀家難芳草客程遠落花春夜寒江湖舊時夢相逐到長安

辛丑歲暮

臘盡無多日吾生有幾年老于人事懶貧覺世情偏獨枕江湖

夢閉門風雪天三杯動詩興得句落梅邊

姪孫子淵新居落成

一區揚子宅中有讀書堂早覺儒風好兼看野趣長籬籬帶花竹里巷接農桑安得節三架為鄰住汝傍

雁山總題此山本朝方顯

幾山兼幾水更有幾烟霞不立仙人宅都為釋氏家賓秋多少雁報曉一鷓鴣有此山林勝如何狂海涯

淨明

林巒相掩映巖谷獨玲瓏下置維摩室上通龍伯宮靈珠四時雨秋水一簾風甚欲觀新月山高脚力窮新月谷在上高不可登

風雨無慘中覽鏡有感作小詩未有斷句適兩姪孫攜詩

卷來

覽鏡忽增感誰能寫我真  
峻嶒忍饑面踉蹌苦吟身  
風葉飄零夜雨花狼藉  
春相過慰牢落吾族有詩人

壬寅除夜

今夕知何夕蒲堂燈燭光  
杜陵分歲了賈島祭詩忙  
橫笛梅花老傳杯柏葉香  
明朝賀元日政恐雨相妨

送王仲彛制機宰瀏陽

一身供世用六月赴官忙  
當此炎天熱知君心地涼  
吏能師卓魯縣界接瀟湘  
試飲瀏陽水清清滋味長

訪西澗王深道

諸王居處僻古屋蒲山坡  
傳到宋以祐來從晉永和  
詩書歷年久名勝結交多  
一澗流芳潤滔滔秋水波

石洲遇陳季申話舊

綠樹挂烏帽清波照白頭  
合隨秋燕去那作賈留  
紅吐檳榔唾香熏茉莉毬  
樽前話疇昔一笑不能休

夜吟呈趙東巖

汲泉漱殘酒行吟到夜分  
一軒清似洗萬籟寂無聲  
風送迎秋雨天收翳月雲  
雞鳴庭戶白人事又紛紛

飲蕭和伯家醉登快閣和揚伯子題分明觀韻

醉歸蕭史宅快閣倚西東  
山斂過雲雨江無起浪風  
月行銀漢上人狂玉壺中  
天眼照塵世應憐鶴髮翁

吳門訪舊

去此十三秋重來雪蒲頭  
鏡顏加老醜詩骨帶窮愁  
鳥語新晴樹人尋舊倚樓  
藏春門下客一半落山丘

鄂州戎治靜憩亭



幽亭何處尋巖樹碧森森獨坐生雲石少女輕世心伴人雙鶴  
立多事一蟬吟提劍翻然起中原秋草深

江上

江上維舟穩人間行路難數朝花雨細一夜社風寒燕語能留  
客蛙鳴豈為官苦吟成底事贏得瘦團樂

上封

樓臺逼霄漢窓戶納雲霓回顧千巖路如登萬仞梯泉從山頂  
出雪壓樹頭低高絕無人境非僧不可栖

世事

世事直如夢人生不肖閒利名雙轉轂今古一凭欄春水渡旁  
渡夕陽山外山吟邊思小范共把此詩看

冬日移舟入峽避風

擢入黃蘆浦驚飛白鷺羣霜華濃似雪水氣盛於雲市遠炭增  
價天寒酒策勲同舟有佳士擁被共論文

光澤溪上

蟻擢西岳下舟人語夜闌風林無鳥宿石窟有龍蟠月色連沙  
白灘聲入夢寒曉來新得句寄與故人看

趙景賢送荔枝

荔子固多種色香俱不同新來嘗小綠又勝擘輕紅大嚼思千  
樹分甘僅一籠嘗觀蔡公譜夢想到莆中

得古梅兩枝

老幹百年久從教花事遲似枯元不死因病反成奇玉破稀疎  
葉苔封古怪枝誰能知我意相對歲寒時

貧作負恩人為何宏甫作

九陌塵中事三生石上身狂為好詩客貧作負恩人十載江村  
別扁舟塗水濱音書久不至得夢往來頻

濠州春日呈趙教授

體國

柳似眠初起梅雖老可觀水開春水活風暖雪泥乾得酒忘為  
客談詩不論官無人知此意一笑對黃冠

鄭南夫雲林隱居

一來陪勝踐再到惜蹉跎記得山中景行尋竹外坡天寒梅信  
早海近鴈聲多烟渚蒲洲外時聳款乃歌

見名園荒廢有感

喬木無留影殘花尚假妍荒池蛙叫噪破屋燕周旋富貴偏多  
事風流得幾年墻東有寒士書種世相傳

題董侍郎山園

行盡芙蓉徑尋杖扣竹關樓高納萬象木落見羣山平野水雲  
際画橋烟雨間紅塵城下路只隔一湖灣

寄湖州楊伯子監丞

宛如公幹卧漳濱枕上窮吟過一春遣病每懷詩卷屬訪醫因  
問藥君臣鑽龜小卜占灾數覽鏡羸形類別人寄語雪川賢太  
守新詩莫厭話愁頻

梅

孤標粲粲壓羣葩獨占春風管歲華幾樹參差江上路數枝裝  
點人人家水池照影何須月雪岸尋香不見花絕似林間隱君  
子自從幽處作生涯

寄復齋陳寺丞

豈說從來用處難出來五馬看廬山鳳凰覽德下千仞虎豹憎



人上九關持論太高天動色憂時未老鬢先斑平生風節誰其  
似汲黯朱雲伯仲間

李季允侍郎舟中

憶昨楓橋既語離何期千里又相隨太湖不見鷓鴣子秋浦同  
尋杜牧之燈火舡窓深夜話江山客路早冬詩人間草木空無  
數除却梅花莫我知

廬山

擁鼻行吟上下廊今宵又宿贊公房松搖半夜風聲壯桂染中  
秋月色香白石清泉聳笑語名山大澤出文章老夫甘作無名  
者不逐紛紛舉子忙

夜宿田家

簷笠相隨走路岐一春不換舊征衣雨行山崦黃泥坂夜扣田

家白板扉身狂亂蛙聲裏睡心從花蝶夢中歸鄉書十寄九不  
達天北天南雁自飛

題何季湧江亭

勝槩何妨近市塵紅塵疎處著三椽數重青嶂橫天末一道澄  
江枉眼前海浪浴紅朝出日樹林堆碧晚生烟請君分付堤邊  
石莫使漁翁來繫船

思歸

吟詩不換校書郎但欲封侯管醉鄉疎懶無成祿叔夜清狂似  
達賀知章安貧不怕黃金盡既老從教白髮長百計不如歸去  
好子孫相對說農桑

長沙呈趙東巖運使併簡幕中楊唯叔通判諸丈

日暮遠塗行未休白頭又作長沙遊湘江一點不容俗岳麓四

時皆是秋香草汀洲付騷客紅蓮幕府聚名流吟邊萬象寫不  
得上有風流趙倚樓

諸葛仁叟縣丞極貧能保風節有權貴招之不屑其行  
時人誰識老聾丞滿口常談杜少陵俗輩衆多吾輩少素交零  
落利交興權門炙手炎如火詩社投身冷似冰堪笑老天無老  
眼相知賴有竹林僧

飲中

布衣肯換錦宮袍刺骨清寒氣自豪腹有別腸能貯酒天生左  
手慣持螯蠅隨驥尾宜千里鴈在雞羣亦九皋賢似屈平因獨  
醒不禁顛顛賦離騷

癖習

平生癖習未全除虛事驚心實事疎為惜落花慵掃地每看修

竹欲移居逢人共作止何飲撥冗時觀未見書爭奈一貧隨我  
狂思量不若把犁鉏

括蒼石門瀑布

少泊石門觀瀑布明知是水却疑非亂拋雪玉從天下散作雲  
烟到地飛夜聽蕭蕭洗塵夢風吹細細溼人衣謝公蠟屐經行  
處聳有留題在翠微

滕王閣次韻劉允叔

消遣客懷尋勝事酒杯詩卷得同携當年傑閣棲龍子今日空  
梁落燕泥斜照浴紅秋水上好山橫碧画欄西幾人登覽皆磨  
滅唯有前峰壓不低

竹洲諸姪孫小集

美景能兼樂事難愁來唯伏酒遮攔昂藏病骨兼詩瘦料峭春

宋元詩會 卷之四十五

鈔本



風帶臘寒喬木尚疑前輩在好花應笑老人看忍拋明月先歸去輸與諸郎徹夜歡

思歸

躬耕海上奈無田乍可經營買釣船未有人供令狐米欲從鬼借尉遲錢回頭歸落三千里藉手還鄉五百篇幸遇太平時節好白雲深處了殘年

遇張韓伯說邊事

每上高樓欲斷魂沿江市井幾家存飛鴻歷歷傳邊信芳草青青補燒痕北望苦無多世界南來別是一乾坤相逢莫說傷心事且把霜螯薦酒樽

聳時事

昨報王師奏凱還近聳北顧一時寬淮西勲業歸裴度江右聲

名屬謝安夜雨忽晴看月好春風漸老惜花殘事關氣數君知否夢到秋時天又寒

靈洲梅花

穿林傍水幾平章合有春風到草堂自入冬來多是暖無尋花處却聳香枝南枝北一輪月山後山前兩屐霜直看過年開未了醉吟且放老夫狂

湖廣李漕草夫大卿飲客西湘

湘一作湖

管領風光此會稀坐中賓客總能詩神仙有洞人難見山水當軒看轉奇春不再生陶侃栢人來多打李邕碑因思屈賈傷今古國有忠臣無用時

江行

借得茅樓一倚欄見成詩句滿江山歸鴉啼處客投宿野鴨飛

邊人上船老眼尚嫌隨物轉閉心可惜被貧牽平生錯做功名  
夢金印何如一作二頃賢

京口遇薛野鶴

天下江山第一州可能無地著詩流黃金不愛買官職白髮猶  
堪上酒樓悞恨牡丹遭雨厄叮嚀芍藥為春留狂吟有禁風騷  
歌語燕啼鶯代唱酬

秋日病餘

桂子吹香風露深老夫吟了聽蟬吟秋來賸有行山興病後全  
無涉世心詩苦積成雙白髮酒豪輕用萬黃金平生意氣今如  
許獨抱傳家一破琴

黃州竹樓呈謝國正

每日黃昏事了時一心惟恐上樓遲發揮天地讀周易管領江

山歌杜詩切戒吏來呈簿曆常邀客至其琴碁風流太守誰其  
似半似元之半牧之

家居復有江湖之興

寒儒家舍只尋常破紙窓邊折竹林接物罕逢人可語尋春多  
被雨相妨庭垂竹葉因思酒室有蘭花不炷香到底閉門非我  
事白鷗心性五湖傍

杜仲高相遇約李尉

胷中無地著塵埃有手唯堪把酒杯苦恨好山移不得生憎俗  
客去還來秋風吹老東籬菊春信撓開北嶺梅管領風光須我  
輩急吹短笛櫂船回

送別朱兼僉

恰喜相逢又語離愁于江上送君時清談未了風吹斷白髮可



吳川詩會 卷之四十五 十九 鈔本  
憐天不知樗木自肥傷竹瘦海棠偷放笑梅遲黃堂若問癡頑  
老新有登樓十二詩

新安寒食

不擬今年到歙州要知行止豈人謀一百五日客懷惡三十六  
峰春雨愁老矣此身猶道路淒其歸夢繞松楸花飄仙子無由  
見千里江山負遠遊

鄂渚烟波亭

倚徧南樓更鷓樓小亭瀟洒最宜秋接天烟浪來三峽隔岸樓  
臺又一州豪傑不生機事息古今無盡大江流凭欄日暮懷鄉  
國崔顥詩中舊日愁

湘中遇翁靈舒

天台山與雁山隣只隔中間一片雲邊不相識不相識三千里

外却逢君

釣臺

萬事無心一釣竿三公不換此江山平生誤識劉文叔惹起虛  
名滿世間

寄後村劉潛夫

朝廷不召李功甫翰苑不著劉潛夫天下文章無用處奎星夜  
夜照江湖

宋元詩會卷之四十六

皖桐陳

焯默公輯選

後學程

仕松臬恭較

楊簡

字敬仲慈溪人乾道五年進士授富陽主簿會陸九淵過富陽問答有所契遂定師弟子之禮為紹興府司理忤其帥引去用薦差浙西撫幹改知嵊縣丁艱服除知樂平縣召為國博以疏救趙汝愚被斥嘉泰四年賜緋衣用朝散郎權發遣全州寧宗立授秘書郎遷著作以早蝗陳言不用求外補知温州民愛之如父母咸畫像以祀遷駕部郎歷國史院編修移疾請去連主官觀理宗即位加中大夫致仕卒生平著作甚富咸淳間門人即其所居作慈湖書院云

撫琴行

蕭蕭指下生秋風浙浙幽響聽寒空月明夜氣清人骨何處仙  
 臂搖丁東野鶴驚起舞流水咽復鳴一歎三唱意未已悠悠話  
 出太古情龍吟虎嘯通神怪千山萬壑風雨晦海濤振蕩林木



響亂撒金盤水電碎和風回春陽縹緲孤鸞翔三江五湖烟水  
濶波聲颼颼鳴漁榔悲猿臨澗欲渡不敢渡但看澗下蕭瑟松  
風長閒雲洩碧落勢去還迴薄神仙恍惚無定所微吟似欲止  
所作馭風一笑歸蓬瀛猶有餘音遶寥廓

鳳遊山潮泉

妙藏天地秘神斧為誰開水性原流下山靈強勒回

戴 昂

字景明號東楚石屏之從孫嘉定乙卯  
進士官贛州法曹參軍有東楚農歌集

莫悲秋

傷春非貞女悲秋非烈士時運自循環我心如止水剝固復之  
機榮乃悴之始未識天地妙胡為浪悲喜鷓鴣蓮或數仞鵬海或  
萬里大小何必齊蒙莊未窮理

侍屏翁遊屏山分得水字

攜琴入空山修竹翠相倚一曲千古心泠泠寄流水拂雲臥白  
石冥搜契玄理有時采薪人歌聲隔林起

秋日過屏山菴

淒切抱葉蟬間闕栖樹禽入山本避喧復愛聆此音微颼動夕  
爽薄雲散秋陰衆籟間以靜片月生東林

逐瘧鬼

吐哉瘧鬼何冥愚沈魄猶滯江流孰云胄出高陽氏而乃不  
肯如此歟為妖常闖秋令動作威又竊炎官餘今年恣睢逞暴  
瘧十戶九室香嗟吁人生一歲一寒暑自有大瘧纏其軀翻手  
為涼覆手暖笑爾禍福纔須臾癡兒騃女或汝怖那能嚇我烈  
丈夫汝不記少陵詩句有神語子璋髑髏血模糊昌黎譴逐更

多術灌毒炷艾揮靈符今來古往共憎疾奈何長惡終不渝胡  
不學鮫人細織冰綃製雲裾胡不從湘君緩移桂權舉芙蓉乃  
甘卑潔賈衆怨厭穰唾罵無時無爾來經旬瞰吾室再三謝遣  
猶踟躕吾詩五言既不廢汝窮汝技將何如大江秋色正瀟灑明  
月皎皎風疎疎便須悟悔速歸去嘯儔呼侶相嬉娛夜闌吟徹  
欲就睡燈花照眼團如珠夢回病思若然散颯颯風籟生庭  
梧

納涼即事

炎蒸欣傍晚埽地坐寬涼入竹風逾冷生荷水亦香蟻行緣食  
几螢照落書牀聽得農人語今年稻穗長

偕兄侍屏翁探梅分得空字

踏破登山屐來尋傍水叢眼明千樹底春狂數花中格瘦詩難

寫香寒酒易空狂歌歸秉燭驚怪走兒童

安居

安居元自好春晝更遲遲雪涌煎茶鼎雲生浴硯池栽荷填廢  
沼移竹補疎籬猶有間光景歌眠續舊詩

自武林還家由剡中

一筇雙不借役役又東還野渡深水夕陽高下山光陰虛我老  
造物斬人間高躅思吾祖鳴琴獨閉關

春晚即事

春郊農務急野岸水痕高蒲渚鳴姑惡桑林嘯伯勞整欄扶芍  
藥褰網護櫻桃不改窮居樂何妨見二毛

次韻屏翁初夏會芳小集

一觴還一咏竟日醉難成坐石驚雲溼臨池愛水平密林宜午



蔭啼鳥尚春聲更有櫻桃約明朝且願晴

秋晚

西風澄晚氣凝觀愜幽情  
艸潤蛩聲滑松涼鶴夢清  
吟懷依水靜病思得秋輕  
忽憶登高近循籬看菊英

夏曼卿作新樓扁曰瀟湘片景來求拙画且索亭詩

有此一樓足悠然萬慮忘  
拓開風月地壓斷水雲鄉  
四野留春色千峰明夕陽  
眼前無限景何處認瀟湘

十日取野菊從酒

野徑菊仍好村壚酒亦嘉  
未應今日忘便是背時花  
心在家千里身猶客  
九華官程難久駐風雨暮山斜

從板橋買舟上青陽

知馬板橋西扁舟逆上溪水鍤  
巖骨斷烟截樹頭齊野鶴驚人

起村雞上樹啼老農頭雪白  
猶自把鋤犁

書初考

得考雖多幸無功祇自嫌  
但求官速滿不道老同添  
鼻拙翔蓬鷄艱辛上竹鮎  
黃花寒更好三嗅憶陶潛

謝趙山臺見訪

寂寞海東頭殷勤貴客舟  
如何經歲約祇作數宵留  
清玩分行篋高吟壓小樓  
更須謀作會同醉菊花秋

僻居

地僻塵先遠身閒味覺深  
清池涵竹色老樹帶藤陰  
引鶴隨安步招蟬伴醉吟  
有時然古鼎隱几自觀心

屏翁領諸孫小集野亭即席次韻

結屋新亭好登臨野興長  
心融入窗白塵隔九衢黃  
泛菊金英

碎嘗粳玉顆香更期梅着蕊來賞小春光

山家小憩即景效藥名體

柴門通草徑茅屋桂枝間修竹連翹木高松續斷山仰空青蔭  
密掃石綠花斑傍澗牽牛飲白頭翁自閒

永嘉薛君自號雲屋來池陽以詩見貽用韻答之

清晨聳剝咏喜得薛能詩風月一囊錦江湖兩鬢絲寒城吹角  
夜孤館擁衾時誰會吟心苦梅花是舊知

立春前五日得雪

雪作春前瑞銀城擁萬家太婆頭欲白九子頂先華壓麥嘉培  
本封梅惜損花家童解人意燒鼎問烹茶

太婆九子  
俱山名

幽棲

幽棲頗喜隔囂喧無客柴門盡日關汲水灌花私雨露臨池疊

石幻溪山四時有景常能好一世無人放得閒清坐小亭觀衆  
妙數聲黃鳥綠陰間

此生

此生畢竟已蹉跎有酒何妨醉且歌人世盡緣愁得老春花徧  
被雨相魔草欺蘭瘦能香否杏笑梅殘奈俗何誰上東樓看霽  
景海山無數列青螺

春事

春事關心常起早愛看景物試凭欄戲魚池面微添綠啼鳥枝  
頭尚帶寒斬棘重樊新挿柳麩泉頻灌自我蘭年來賸有園林  
興每恨廬邊地不寬

自况

多貨徒作守錢奴伏臘無憂便有餘世路本夸休自險人情太



密反成疎非圖報施方為善豈為功名始讀書門外良田堪種  
秫自牽黃犢試犁鉏

次君玉弟聳新鴈

霜風颯颯荻花洲避北趨南巧自謀倦翮飛殘千里月寒聲催  
老一天秋乍教騷客驚詩夢莫為征夫寄別愁汝度塞垣應未  
久新來煙燧已沈不

次韻東渠兄觀梅

詩眼非梅不可遮三葩五蕊便堪嘉瘦如飯顆逢工部老似磻  
溪臥子牙水影月香叅衆妙弟酬兄倡自成家快筭新醞同清  
賞莫待枝頭爛熳花

七夕感興

家家懽笑迓星期我輩相邀只酒卮矯俗何須標犢鼻甘愚不  
解候蛛絲新秋光彩月來處半夜清涼風起時一曲玉簫塵外  
意此音除是鶴仙知

抵池陽未入關泊于齊山數日因窳巖壑之勝

瘦策相扶上翠微眼驚奇怪足忘疲三十六洞猶昔者四百餘  
年無收之漲水森瀾春雨後遠山重疊夕陽時幾  
恨問着沙鷗總不知

賞茶

自汲香泉帶落花漫燒石鼎試新茶綠陰天氣閒庭院臥聽黃  
蜂報晚衙

夜過鑑湖

推篷四望水連空一片蒲帆正飽風山際白雲雲際月子規聲  
在白雲中

巖子陵

赤伏君王訪舊遊富春男子只羊裘一竿本為逃名去何意虛名上釣鉤

里中小漁舟被差防江有感而賦

着身平地更多憂一權思為泛宅謀昨夜西風邊報急防江也要釣魚舟

劉宰

字平國金壇人既冠入鄉校卓然不苟於去就舉紹熙元年進士調江陵尉遷真州司法時有偽學之禁不讀周程等書者方許與考試宰不奉詔授泰興令決獄多奇中會韓侂胄謀用兵宰為浙東倉司幹官職事修舉急引去無復仕進意自是屢召不起端平初朝廷獎用老成一時譽望收召畧盡所不能致者宰與之耳尋卒鄉人為之罷市

東陽道翁涵碧亭

四山委蒼翠一沼湛清漣雲飛松竹礙石墮藤蘿牽泉音亂絲竹鳥語賡笑言斯亭作者誰俛仰四百年檐宇有興廢篇章足流傳官道紛往來此地曠周旋乃知造物意以遺靜者便我來早曠餘龜兆坵平田攀崖遡源委石竇鳴涓涓摩娑兩石魚變化定何年

漫塘觀雪分韻得遠字

入臘甫自茲得雪殊不晚凝寒祛厲氣積滋麥本潤清興浩無極步履忘足蹇扣門呼石交頸縮語猶窘挾攜事登眺南去還北反所向遊目礙僮若虎就園歸來漫塘上四望與天遠簑重漁舟歸煙橫樵舍飯稜層散瑤池燦爛開瓊苑玉龍擁寒城銀海迷疊巘頗喜漫翁貧覽富逾北阮呼兒具杯酌採掇蔬蔬畹不辭多酌我自愧飲河甕少馬斂夕氛桂魄爭婉婉翻思造化



工舒卷意難付

崇禧夜坐

淮浙千萬山茲山鍾秀異山中四時好雪景更佳耳危樓俯入  
荒豈無超詣士春遊眩紅紫秋賞挹蒼翠衝寒繚水崖問訊世  
能幾山神出竒觀似慰遠來意漫空飛六花匝地掩蕪穢頗疑  
羣玉府飄墮人間世又疑姑射僊與物洗疵癘意行輒有得曠  
望了無際更欲呼雲車御風駕六氣舉酒酌初平道遙聊卒歲

夜夢續句

乙丑四月四夜夢中得句云昏旦視生死又云不種桃與李  
覺坐而思豈吾壽不延歟因就枕上足而成詩

大化賦羣有修短亦天只彭殤誰得失鵬鷃均適已我今識其  
然昏旦視生死青青竹籬下不種桃與李老薺怙春柔叢蒿麗

芳旨耘鋤藉人力四時自終始屬饜幸朝夕過計胡為爾勿笑

趙孟偷甚矣吾哀矣

送李秀巖歸蜀

平生秀巖翁嘉遯輕朝衣聖朝重特招趣駕不容違我豈匏瓜  
哉先聖固所希長江一萬里舟行疾如飛東南盛人物十九飲  
甘肥頗藉子公力寧知伯玉非翁豈好異同曰余起布韋忍比  
淮之水東下雜於泥論奏了不阿正直鬼神依讒言嗟止棘曰  
歸詠采薇歲晏江濤平雨雪從霏微縣知到家日花竹遶小扉

吳門道歸書懷

投間三十年日與木石俱暮景際休明搜羅逮樵漁洪造賜甄  
收羣公交薦書殷勤奉明詔婉戀辭田廬一寒不自揣五窟暗  
柳榆行行步京畿迎勞多軒車眼青見故人皆歎此老臞形容



不自惜奈此氣昏愚席間迷舊識筆底誤新書十日所共睹一語良非虛儻昧知止戒不反田園居去去入修門蹇步接天衢溪虞眩聳見狂易滋發舒顧天寫真情浩歌賦歸歟

贈九華程君

君家九華山山翠常狂目雞犬聲相聳山腰幾隣曲本固枝葉蕃無若君之族當年紫橐翁一念盡親睦俸餘不自有買田徧溪谷計口給之食昏旦常陸續吉凶更資助當使有餘蓄只今大江南盛事君家獨君歸廣北意勝處新卜築周遭植名花中間敝家塾少長驅之學母間親疏屬庶幾子又孫更行無窮福亦俾作法人百世流清馥

喜客泉

物我未忘情無情惟止水底事山中泉客來如有喜悠然鏡面平候爾魚眼生依馬開笑面似與客逢迎客喜泉豈知泉笑客何有邂逅深山中聊結無情友

松風軒晚望

遠山亞歸雲近山留夕照澄江橫淨練怒氣收眾竅東南佳山水此地宅其要連甍三萬家金碧互輝耀間房列歌舞傑觀富登眺物理會有極却慮成悲嘯我家三郊峰一室倚青峭下有荆溪水水深魚可釣歸歟有成計靜坐觀眾妙功名付公等連茹祇明詔他年問無恙短策寄嶺嶠浩歌暢幽懷狂斐君勿誚

送魏華甫侍郎謫靖州

靖州風物最五溪畬田歲入人不饑淘沙得金遨以嬉瘴烟不逐嶺雲西六花瑞臘春臺熙尤便逐客過往稀理亂黜陟了不知夫子豈欲居九陞要尊主勢扶時危有言不用時我違番然



不受好爵羈向來鄉行誰可晞平生易名慕者誰蘇陳凜凜百世師畏塗萬折甘如飴陽烏當天照隱微直前一疏可忘之江頭後會端有期暗香欲動寒梅枝

石翁姥

采石江頭風晝息掀天雪痕平如席沿崖小泊客心寬攀蘿曾看望夫石天涯望斷人不歸露寒猶想浹衣爭似石翁攜石姥年年對峙夾岡道人歸人去我何心雨沐風餐人自老比翼鳥連理枝年多物化徒爾為長生殿裏知不知

寄和趙章泉

章泉先生虎豹章餘子駭逐狐兔藏少陵遊不返衡湘孤吟風月老林塘鴛鴦不送置我惆悵望空勞水一方廣文別日天未霜殷勤寄音示無忘新詩寫作鴻雁行憐我病骨猶未康續貂

聊復寄歸航官牆百雉如金湯登門歲月知何當江湖極目煙波蒼

送王頴叔分教山陽

向來肉食味遠謀坐談欲復千古讎良平不逐勝口遊毛錐竟作書生羞楚山蒼蒼楚水流甲光向日金鱗稠酒闌一笑看吳鉤將軍意氣傾九州先生身短智則修百鍊可使繞指柔安邊端藉帷幄籌洋宮還獻馘與囚英聲南來動冕旒貂蟬未必生兜鍪

過司徒墓

司徒墓荒塚累累不知數墓中翁仲無復存壟上牛羊自朝暮想見當時百萬松佳城狂處鬱蔥蔥車馬時來卿相子鐘魚聲出梵王宮年深事遠無留蹟只與耕夫資壑闢萬古同成一斛

塵官爵高卑誰汝識

發紹興

留滯青春晚經行此日初柔條柔着眼短穗麥生鬚竹外雲埋  
屋花邊花逸渠箇中容我老肯遺子公書

馮公嶺

地隘山逾峻人勤俗不儉時培石上土更種竹間茶接畛田成  
篆連筒水濺花征塵如不到老我即東家

長林海邊道上

海霧晚逾合海風春更寒衰年欺薄酒老膽傲驚湍叢竹人家  
近平沙客路寬明朝應更好小翠撲征鞍

松江道中

久作松江夢重來泛短篷淡雲飛急雪枯葉戰狂風煙末三家

市波心一釣翁鴟夷身計耳吳越等成空

偶成

月下浮舟去雲邊曳杖行物華隨節換人意與秋清小圃蔬逾  
潤荒叢菊向榮幽尋元自好底用絆浮名

天台道中

花重朝霏散鳥啼春意深風光自流轉行役負登臨澗水流縈  
綠山雲捲夕陰病容兼白髮漂泊此時心

秋晚

木落山空骨泉空水返源知時秋燕去負日午蜂喧玉粒慳晨  
甌金英臥晚園歲華今已暮身世兩忘言

和韻呈李果州

行樂非吾事朋從慰此生劇談忘夜永起立覺晨清黃獨幽人



供朱絃太古聲他年盛山集不假退之評

感懷寄章中泉

我屋方茅下君家閩楚交鹿門知得計燕幕未安巢澗谷泉從  
飲山田飯可抄應攜靈壽杖雪藥嗅梅稍

北固山望揚州懷古

北固城高萬象秋煙竿一縷認揚州試乘綠漲三篙水要見朱  
簾十里樓淚溼官衣朝霧重愁勳寒草夕陽浮隋堤舊事無人  
問兩兩垂楊繫客舟

懷徐表兄

一笑相逢句曲天別來十五換流年忍思清渭玫瑰詠無復通  
泉寶劍篇北渚春回芳樹合西山日暮碧雲連雁來數寄平安  
信無恨離思若箇邊

寄潘子善上舍

陳少陽率太學生伏闕上書六賊遂退天下快之少陽猶以  
後書論李邦彥白時中等言不用拂衣去近傳太學伏闕書  
是歟非歟悲林人所得知獨怪朝廷不用其言諸君仍苟  
安於學豈以靖康時事視今日緩急異耶為賦一詩質之同  
志

少陽一疏折羣姦拂袖歸來日月間誤國小人猶法從叩閣諸  
子自賢關是非頗亦通千古義利那能立兩間若向西湖浮画  
舫好傾卮酒酌孤山

裘萬傾

字元量新建人淳熙進士嘉定癸酉除吏部架閣明年進  
大理司獄章力丐外救差江西撫幹以便祿養卒于家有  
竹溪集

行役

宿霧鎖山椒落月挂林側崎嶇歷岡巒鬢髮辨阡陌秋高風露  
寒道遠時序迫安得歸故園篝燈理書冊

羅溪橋

我來從西昌日日困塵土誰知羅溪橋淨若初過雨長松列左  
右清風奏宮羽薄暮含藍輿扁舟渡溪去

病中葦伯量相訪寄之二首

我屋修竹根身閒境逾靜維摩本無心誰令示人病夕陽耿疎  
林影落莓苔徑佇立有所懷高人倘乘興  
高人在城郭應酬頗紛如憶我煙霞栖遺我一紙書雨餘窗戶  
涼蟬聲滿階除相過有成言何時命巾車

次韻伯仁善利閣小室

山林吾所廬夜月但對影焉知江上人一目了萬境褰裳步崇  
臺有室妍且靜徘徊不能去坐見四山暝

見雪

元冥當語誰餉我一簷雪吾廬本來靜得此更清絕遙憐北海  
上往往已盈尺鬻羶人狂否母凌子御節

出門

出門復入門吾行竟安之攜書北窗下翻閱聊自怡有懷千載  
人掩卷還歔歔采采首陽薇戀戀高山芝一裘或終身欣然釣  
江涓斯人不可作斯道日湮微目前稍梁謀鳧鴈方齊飛青田  
寂無音歲晚將疇依慎勿出門去塵埃染人衣

菖蒲

康廬入吾懷十載馳夢魂踵門者何人遺余以芳蓀歡然得其



趣如對五老言幽姿出巖谷常帶冰雪痕塵容為一洗兩目不復昏忽思三峽流褰衣涉潺湲因仍一寸石浸潤九節根人言可扶老歲易須其蓄茲理諒不誣吾將從綺園

從人覓墨梅

熏爐束詩魂茗椀驅睡思掩關寂無營翰墨自娛戲山寒溪正清月澹雪初霽橫斜兩三枝見說可人意天機如胸中出手特餘事何時剪冰紈來對病居士

題余仲祥松齋

芳妍桃李場紛趨歛成蹊長松坐偃蹇遂爾不見知平生異時人不與俗轉移蕭然塵埃中擅此丘壑竒窗空境逾清四壁風來吹抱琴揖蒼髯喜氣掀兩肩臭味既與同相親不相違直期閱歲寒可但忘朝饑

夜坐薦福寺同玉成

鞭鸞未暇相追逐且向祇園止君宿清談待得月華生窗戶明明耿殘燭誰令泉石墮吾前洗盡人間絲與竹風帆明發君不留此樂只應吾所獨

厭原山中晚行

碧雞夜半聲啁哳喚起幽人步林樾秋高風露着羣木無數寒花泣明月松篁一徑宛如畫石溜涓涓更清絕小巔便好結茅廬莫待他年鬢成雪

贈拂雲主人

十年作計須種木一日不可使無竹道人於此得三昧綠霧中間着蒼玉拂雲誰為名其居我亦心同雲捲舒相期直覓飛霞佩不用重拈種樹書

雨後

秋事雨已畢秋容晴為妍新香浮穠樞餘潤溢潺湲機杼蛩聲裏犁鋤鷺影邊吾生一何幸田里又豐年

用鄭浮梁韻簡園師

杖屨山蹊窄鐘魚佛界深寒梅殘屋角春薺老墻陰一水元無恙扁舟尚可尋煩師掬清溜為我洗塵心

酬胡伯仁

長山飛鳥急江濶去帆微唱晚幾漁笛憑高一釣磯從君濯冰雪滿袖得珠璣三嘆不能已歸來吟夕暉

送胡仲立入京

昔對延英日諸公嘆弗如敢言天下事不負案頭書此去朝雙闕驟知有異除榮途方着脚未用曳長裾

贈施真人

素鞵方多難丹砂倘一逢勿疑蕉覆鹿會見竹成龍澗水遠仍潔巖花幽更濃行行望仙宇知在最高峯

留淺沙

故山豈不好蕭寺亦堪居作意多成礙無心始自如鐘魚飽香積枕簟熟萼脣但惜詩成後倚無阿買書

晚步

日落欲閉戶風清聊杖藜千山猶帶雨一徑已無泥瀟瀟水聲急悠悠雲影低催歸綠底事着意倚人啼

書晁文元道院集

萼屋金絨座雕鞍駟馬車才堪誇世俗界已落丘虛此病久沈痼無人解掃除千年子晁子道院有遺書



偶成

松徑煩風掃柴門為雨扃行攜道院集坐對敬齋銘好事心常  
記閒談耳不聽觀空為世誤無異醉初醒

老屋

老屋久欹側隨宜聊拄撐吾今且共住緣盡會須行雨打從教  
壞風採不用驚世間虛幻相聚散本無情

寄題喻高士澹軒

世事卽卽枕生涯老子書能知澹中味雅稱竹間居石徑排雲  
入霜根帶月鋤紛華不到眼贏得玩清虛

題洪內翰爽榭

霧閣雲窗天外安縣知幽趣勝人間簾櫳夜月浮銀海桃李春  
風醉玉山自笑紅塵無暇日浪憑清夢覓商顏何如飛佩隨君

後細看匡廬紫翠鬟

夜坐

爐火篝燈孰與同此心吾欲付冥鴻茅簷已作涉旬雨蕙帳不  
禁連夜風一段清愁詩句裏十分寒事酒盃中溪雲未用安排  
雪且聽梅花試小紅

玉小道中時赴掌故之命

麥苗堆綠菜花黃一簇人家古道傍酒熟不妨邀里巷年豐贏  
得事農桑世情只說官遊好客裏那知歸興長我有平生篋笠  
在釣絲何日理斜陽

端午上饒道中

一春留滯在京華午日依前未到家細葛香羅素無望黃塵烏  
帽亦堪嗟爭舟野渡人如簇立馬郵亭日欲斜遙想墳廬獻親

壽綠永羅拜酌流霞

睡起書懷時諸公相勉再出

北窗終日廢書眠一枕清風值萬錢雲度茆簷輕冉冉泉生石  
砌淨涓涓不嫌雨脚花間注要聽秋聲屋外傳三徑初成吾欲  
老幕中何用泛紅蓮

喜范光伯相過

章江東下幾灣洄誰伴臞仙夜探梅離別不禁詩社冷遭逢莫  
放酒船回冰霜滿眼歲將換花柳轉頭春又來安得飛騰九霄  
外鞭鸞笞鳳日相陪

東黃子益二首

青衫日日困塵沙安用浮名與世誇已過半生真似夢未荒三  
徑且還家恨無沈水紆香穗喜有寒泉淪茗花袖却西歸遮日

手園林幽處看桑麻

睡起忻然思慮少病餘猶覺應酬艱招搖風月聊須竹收拾雲  
煙幸有山但要世緣隨手斷莫憂詩債幾時還追奔富貴非吾  
事且占林泉一味閒

題懷秀堂

莫教滿地長莓苔杖屨從今日日來曲徑要隨松巷轉柴門須  
對石橋開墻頭花木因時種案上圖書任意堆幸有林泉可投  
老忍將雙脚踏塵埃

大雪次前韻

誰知天巧出玄機但怪飛璫過眼奇  
暝立風枝寒雀倦愁吟冰  
谷晚猿饑蘆花洲渚月明夜柳絮池塘春暮時  
此景人間不長  
有寫真傳影正須詩



次洪內相梅亭

人間多是梅開後，旋踵東籬事故常。  
那得紅簾捲朱戶，細看素質傲清霜。  
一生寄興雲山外，幾度搔頭江路傍。  
倚咫尺名園身未到，夜窗羞對返魂香。

入京道中風雨因賦以遂退休

新築書堂壁未乾，馬蹄催我上長安。  
兒時只道為官好，老去方知行路難。  
千里關山千里念，一番風雨一番寒。  
何如靜坐茅齋下，翠竹蒼梧仔細看。

間居

間居最與性相便，勤即緝書懶即眠。  
終日閉門真省事，有時面壁似耽禪。  
大春歲籥祈親壽，斷簡生涯聽子傳。  
待問洪崖覓丹訣，白雲深處引寒泉。

用韻謝伯量過訪山中

勝遊千里笑談中，雪片梅花正仲冬。  
肯向蓆門尋孺子，更能草具重茅容。  
春風頓覺生寒谷，夜榻惟愁聽曉鐘。  
半世坡梅門下客，及今何幸得過從。

次王成之韻咏梅

誰遣冰魂照夕陽，搖搖一任北風涼。  
眼前共有幾多蕊，鼻觀胡為如此香。  
佳實會須歸列鼎，孤標已自壓羣芳。  
濡毫我欲從君賦，未害平生鐵石腸。

送張高安入京

青山十載蟾宮客，墨綬三年鳳嶺頭。  
循吏聲名武陽令，故家風味富平侯。  
江邊休歎雙鳧去，天上行看一網收。  
入筴鷓鴣班立仗，莫忘回首顧沙鷗。

題小桃源

半月池邊倚瘦藤，望仙臺上岸烏巾。塵埃一點不到地，花木四  
時長是春。載酒豈無好事者，爛柯應有着棋人。請君更種桃千  
樹，準擬漁郎來問津。

保福寺對橙菊有感

平生愛菊陶彭澤，清夜移橙杜草堂。千載詩魂招不得，獨留風  
味在僧房。

次韻松風閣四首

飛花數點雨初歇，啼鳥一聲春正長。讀罷黃庭了無事，旋安銀  
葉試爐香。  
不見詩仙何處來，春風幾度早梅開。竹籬茅舍自清絕，未用移  
根東閣栽。

簷間新燕幾時來，簷外閒花徃歲栽。丹杏碧桃渾落盡，綠陰低  
處結青梅。

無所用心魚在沼，居然生子燕成窠。誰言春去花事歇，萱草石  
榴情更多。

九日

籬落黃花尚自無，白衣况未到吾廬。莫令此日負佳節，為展淵

明采菊圖

崔與之

字正之，廣州人。少卓犖，有奇節，不遠數千里遊太學。紹熙  
四年，舉進士，授濶州司法。參軍調淮西，檢法官知建昌新  
城。通判邕州，擢廣西提刑。風采赫然，召為金部員外郎。安  
撫淮東，屢上書宰相，爭納李全，必有後憂。在淮，守戰兼修  
敵入，無功。和議遂寢，以秘書少監召，力辭不赴。尋用煥章  
閣待制，安撫成。都開誠布公，戎師協和。軍政以立，召拜為  
禮部尚書，辭。理宗即位，屢召俱辭。最後授廣東經略兼知  
廣州，叛兵書，辭。伏聽命上，於是注想彌切。進參知政事，力辭。



乃訪以時政與之條奏懇至上覽嘉歎趣召愈殷控辭至  
十有三疏始得致仕以觀文殿大學士提舉洞霄宮年八  
十二薨  
諡清獻

送夔門丁帥赴召

議論方前席功名早上坡去帆底蔓水遺愛竹枝歌同志星辰  
少孤愁暮雨多倚風窮望眼碧色渺平沙

送范漕赴召

獨汲千尋綆推開八面窗相逢俱氣許未語已心降分鎮中邊  
蜀歸途內外江禁林風雨夜應念鹿門龐

送時漕大卿淮西簡法二首

卿月高華照楚墟澄清雅意見登車星分屯壘雲中戍風引舩  
艍塞下儲十二聚民行惠政三千議獄謹刑書最聲烜赫流聰  
纘聖詔今朝下玉除

十年宦海任飄零豈料光華伴使星落魄半生頭已白爬沙一  
見眼長青天涯明月方依樹淮上長風忽散萍別淚調能效兒  
女不堪官柳暗長亭

嘉定甲戌分閩東淮時金騎南奔人不願往以君命不敢  
辭留五年始以少蓬召而病且衰矣艤權南康夢人告  
之曰死於廬山之下覺而賦此

行到廬山日日陰斜風細雨亂雲深移舟夜壑人間世荷鍾春  
郊物外心要把封疆安社稷誰教軒冕換山林殷勤招隱吾知  
矣五老朝來露玉簪

姚鏞

字希聲剡人戴復古愛其才為忘年  
友通判吉州以平寇論功擢守章貢

春夜曲

金魚鑠合蘭釭小酒不支愁尋睡早梨花欲墮風更寒燕子不  
歸春自老流蘇護帳香雲結二十六簧清吹咽緘書欲寄深城烏  
啼落花西月

題畫壁

兩山灌木帶晴鷗泯泯春流漾浦沙隔岫小舟呼不應碧桃花  
外是誰家

寓雲川

玉戴谿頭小隱山漁翁引上雲谿船幾回倦釣思歸去又為蘋  
花住一年

教陶孫

字器之閩人寧宗時太學生題詩三元樓弔趙汝愚為韓侂胄所捕亡命江湖仇胄敗始登第

佳人佩明月贈俞德章

佳人佩明月笑語含春姿手握幽蘭叢照影清漢滄小

子行樂方及時折苕戲相贈王色頰自持歸來種白壁日漚文

遺薌澤遠慰千里思

三元樓題壁弔趙丞相


左手旋乾右轉坤如何羣小恣流言狼口無地居周旦魚腹終  
天弔屈原一死固知公所欠孤忠幸有史長存九泉若遇韓忠  
獻休說如今有末孫按三元樓臨安酒肆也韓侂胄既逐趙丞  
相汝愚至衡州暴卒教葺而弔之適飲酒  
題詩於壁酒未盡醺其壁已昇去教知必為侂胄所廉急易傭  
人衣持酒具下樓已遇捕者至問教上舍狂樓否對曰方酣飲  
急亡命走海隅得免



易方書

卷之四十一

鈔本



國

